

高安縣志卷之十六

文苑

唐

任濤邑治人性慧超羣詩名早著時常侍李鷺觀察江西聞其詩有露搏沙鶴起人卧釣船流之句遂特免其役鄉民有沿例訟之者隲大書判云江西界內如有詩似濤者並與免役無敢應者咸通中登進士與許棠張喬俞寶之劇燕吳罕張蠙周繇鄭谷李棲遠温憲共稱十哲皆李建州主試所得也

李思元字文成好學擅文行誼高潔年十六舉進士爲文林郎時滕王爲豫章守待以師友之禮名重一時

高安縣志

卷之十六

文苑

一

沈彬字子美天才狂逸好神仙術少孤西遊以三舉爲約嘗夢着彩衣貼月而飛推者謂其身不入月終不及第初舉至長安作夢仙詩云玉殿大開從客入金桃爛熟没人偷鳳驚寶扇頻翻翅龍悞金鞭忽轉頭再舉作憶仙詩云白榆風占九天秋王母朝回宴玉樓日月漸長雙鳳睡桑田欲變六鰲愁雲翻簫管相隨去星觸旌幢各自流詩酒近來狂不得騎龍卻憶上清遊三舉贈劉象詩云曾憶大中天子舉四朝風月鬢蕭疎不隨世祖重攜劍知爲文皇再讀書十載戰塵消舊業滿城風雨壞貧居一枝何事于君惜仙桂年年幸有餘劉象是年及第彬乾符中南遊湖湘嶺表過吳知先主欲代楊氏

獻山水圖詩云須知手筆安排定不怕山河整頓難覽而喜之官至吏部侍郎致仕退居高安臨終指葬處以示家人穴之石磴臺上有漆燈一盞壙頭有銅碑鐫篆文云佳城今已開雖開不葬埋漆燈猶未滅留待沈彬來所著有沈校書集一卷

按沈彬一人也稽神錄以爲吳興人一統志載彬墓在京口丹陽縣豫章則以爲宜春人江西新舊志袁州瑞州重複互載今據南唐書沈彬洪州高安人唐末浪跡湖湘隱雲陽山好神仙善賦詩烈祖輔吳表秘書郎與元宗遊俄懇還以吏部郎致仕元宗遷南都彬年八十餘來見厚賜粟帛以其子爲秘書省正

高安縣志

卷之十六

文苑

二

字先歲彬常策杖郊原手植一樹識之語其子曰吾當藏骨于此及卒伐樹掘地至丈餘得一石槨製作精麗光潔可鑑蓋上有篆云開成二年壽槨舉棺就之廣袤中度子麟性至孝廬墓感慈烏來巢之異且今墓在龍城宣政鄉義泉里其爲高安無疑矣舊志訛龍城爲城南

宋

魏京天禧中進士潛心理學措行端方而又博古能文鄉里以魏夫子稱之名其所居曰儒榮坊

劉平伯漢建城侯之裔高蹈好文名士推之二蘇兄弟每過訪焉並有賡詠子瞻寫墨竹以贈今猶藏其家

唐允功字汝賢姿穎好學于經史百家無不通貫時人號爲書櫛丞相趙鼎嘗大書潛心居士四字贈之所著有飴經倦錄行于世

按允功人物志作允恭

陳世昌字正卿赤土人淹貫羣書多聞強記兩中博學宏詞科調復州錄事參軍以直戇不容于時遂飄然初服自號大田老農所著有漢韻一千六百字及老農集並膾炙于時

劉能字貴才號松壑實齋次子年十一父命從晦菴于武夷精舍晦菴與語竒之授以小學題詞後數日問之應對如流遂以學庸章句論孟集註程氏遺書數十卷授之居二年日夕講貫微詞奧旨罔不精究後以母疾告

歸晦菴命取帑書四十八字以戒之曰脫去凡近以游高明勿爲嬰兒之態而有大人之志勿爲終身之謀而有天下之慮勿求人知而求天知勿求同俗而求同理能拜受之而歸卒乃闡學筠陽益明師訓元定之貶幾爲禍階父作子述嗚呼賢矣

李師愈字好古博學多聞負笈從劉子澄講學于匡廬山中朱文公高弟李埜嘗訪師愈有詩稱之宋乾道間領鄉薦漕使芮華舉師愈應制科未及赴而卒人惜之

胡仲霖字成甫仲雲之弟嘗從事蔡適盡得朱晦菴之學父子兄弟自相師友學問淵源後與其子希是俱隱遯以終身

胡希是字則翁仲霖之子八歲動循規矩年十五博通經史從諸兄游京師一時名公皆折輩行與之友伯父仲雲嘗遣謁江古心盡得其爲文法下筆有西漢風宋亡家居著述夜分不寐端方嚴篤一介不苟取予所著有洪範考訂大學稽疑太極圖說史傳集論及于山集行世

朱昫字景暘社山人中理宗朝神童科官大理評事號荷山先生有策及文集傳世理宗寵賜端溪硯詩曰紫袍雲藹藹金帶露重重朕有端溪硯賜與朱神童

趙希普字宋卿天資警敏卓有詩名兩請江西漕舉以宗室恩授廬陵主簿再調南城丞改秩知奉新縣陞臨江

高安縣志

卷之十六

文苑

四

倅卒于官所至多惠政有西庄斐稿藏于家武允蹈字德由筠北高家巷人自號練湖居士品行端方嘖笑不苟兩貢于鄉資敏識卓刻意吟咏每一聯出輒膾炙人口所著練湖集行于世

按魏慶之詩人玉屑稱德由爲詩日鍛月鍊時出新句如露萱鉗宿蝶風木撼鳴鳩屋頭風過雁燈背月移窗霜林五色錦烟渡一縈絲午簟展風供睡課夜窗扃雨辦詩逋眼昏書字不著帑耳重聽言常問人皆警策可味

塗近正城北縣下人敦倫篤行博學能文而深于性理所著有明倫集與朱文公小學相爲表裏士林範之

元

楊浚字子源博洽書傳精練吏事至元間辟爲掾吏枉直一任理法所全活人甚多壯年卽投筆杜門惟養親課子爲樂溪船嘯月山屐訪春趙子昂書子源二字繫之以詩云子源賢功曹四十已投筆杜門勤畊桑教子習儒業世方貪譎顯斯人可圭璧吾非私吾友乃是敬其德何時一尊酒相與保空寂

伍良臣字雲從元駙馬都尉興甫之子塵視富貴致力經籍爲詩文暢達清潤壯遊京師道不諧于俗後辟爲臨江經歷八十日卽棄去時元社將屋識者謂其鳳翔千仞希蹤古之明哲所著有中流一壺集行世

高安縣志

卷之十六

文苑

五

周德清號挺齋暇堂人工樂府精通音律所著有中原音韻行于世虞伯生序之曰隨時體製不失法度羅士信稱其詞曰毋使如陽春白雪徒爲寡和蔡虛齋先生並有序表之

明

朱溟字誠則社山人學有淵源行重鄉邦洪武初以薦辟任本府訓導豐城同宗一齋學士監察筠陽爲之序曰每應接餘暇焚香讀易探姬孔之奧旨繹朱程之遺緒意有所會欣然自得不知老之將至讀一齋文可想見其人眞儒者也有詩文語錄傳世崇祀鄉賢

胡璉字商用博通經史議論英發尤精邃于易性傲岸不

曲合親朋有過必曳杖直告其人引咎則怡然曰友道貴直非訐也父死括蒼兵興道梗璉艱險萬狀負骨歸葬人以孝稱之明兵至江西天完將劉敬欲退守新昌璉說曰今眞主已出不降何待且瑞不可守况新昌乎宜亟爲一郡生靈計劉素聞璉名求之不得欣然從之無可遣者璉爲奉書詣軍門降民賴以安大將軍欲官之辭弗受洪武初應通經舉爲本府學訓陞句容教諭致仕杜門觴咏所著有易學會通及諸史百子手筆百餘卷

羅均友洪武初由辟舉任本府教授以聖賢爲宗敦濂洛之學惟以植綱常淑後進爲務捐俸創修明倫堂士論

高安縣志

卷之十六

文苑

六

重之

按白公省志據一齋所撰清溪書院序改爲君友

况琛字宗魯永樂甲申進士聞母喪奔歸哀痛幾絕服闋赴京道經九江聞弟喪遂乞恩歸養終身慕父不欲仕後除永平授不赴解學士縉有詩贈其行勉強之任永士僻陋琛設程課藝不數載而文風丕振科名蔚起然拙于逢時尋歸杜門多著述嘗自製圖書云守賤不移遂自號焉

孟充字實夫城西人博洽書史爲文有理致由舉人授叙州府學訓導陞福安知縣朝夕吟咏所著有山樓集徐振字伯起行峻而廉學充而正由舉人歷晉江教諭長

沙教授生徒有貧而攻苦者輒捐俸資給之所成就多名士祭酒蔡公清出其門

朱廣明字則誠穎悟工詩文由舉人歷山陽增城諭甯海學正從遊甚衆求文者無虛日著有貽笑集

陳用字廷重由舉人歷遂甯教諭長沙衡州教授質古勤儉以身教人卒于官子禧字鳳朝天資粹美邃于學言動恂恂喜怒不形于色士論方之黃叔度

陳益字啟行以六經教授子弟學者稱行素先生所著有敝帚集

載通志

廖暹字日佳以春秋中嘉靖戊子鄉試任浙江武康令調福建詔安令政務寬平尋罷歸嘗從安成鄒東郭先生

高安縣志

卷之十六

文苑

七

講學大有理會因邀至其家令諸子北面受經後暹歸構西郊書院延致東郭爲筠士發明良知之旨邑之名士皆出暹門晚多著述有丹泉漫稿四書測春秋測希天務本二錄行于世子性之字道夫亦以春秋中嘉靖辛酉鄉試弱冠隨父亦從東郭講學崇實敦恬初授陽信教諭轉浙松陽縣令清操惠政松人頌慕陞雲南路南知州致仕歸里靜處一室朝夕吟諷未嘗一造郡邑卽親族亦罕見焉

楊鏘號松亭朝天坊人潤之孫十九補邑庠生食餼文行兩優閉戶課經父子自相砥礪學使徐公郡守許公賜以冠帶屢舉賓筵直指有理學名儒之額著皇極經世

測聲音律呂考証松亭崇正錄

吳用行字因應南城禮義坊人郡增生少儻不屑屑家人產隱居蓮池之一笠軒著有淡語二卷房伯夢暘嘉其文誼嘗與伯兄可行奕同邑敖祐作雙髯奕贈之其詩云延陵有雙士逸興自翩翩已具王佐才所樂在邱園美髯且殊姿朋壽更皆賢圍棋二國手宦髮兩神仙碧蓮漾清渚飛虹凌紫烟室有鳴琴韻門無車馬喧試問蜉蝣者何如松柏年

朱家繩字季直社山人性穎異善讀書苦志殖學補郡諸生聲名藉甚丁卯詩二房入穀數竒不售將貢先期而卒著有義山集

高安縣志

卷之十六

文苑

八

劉世元字善長鈞山人爲邑諸生賦性剛直秉心孝友下帷博極羣書爲文雄渾落筆立就屢試不遇遂拂衣歸年未四十生子曰珩纔三歲卽朝夕訓誥後子果弱冠掇科三受綸翰贈屯田司員外郎居常誦司馬溫公之語以訓清白又曰正直存天性中和養道心吾生平以此自矢不敢愧屋漏汝宜自勗王言曰齋身豐後信不誣云

徐裕善號鶴池北里人隆慶恩選由惠安訓陞桐廬諭常德府教授勸學勵士賢聲四溢在桐之日歲大祲力請倉粟以濟窮困不給則捐己俸以助學宮鄰義塚枯骨暴露取而瘞之直指馬君獎其賢年八十一卒

廖承芳字鍾華氣豪邁善談論蚤歲補諸生銳意用世從父宦南北歷覽山川形勝人物風土其學不耑門天官歷律風角諸書無不蹟探而隱索之既病廢度不果用迺更肆力問學詩倣七子古文宗蘇長公書法摹晉魏皆能擬議變化自成一家大司馬陳公匡左見而嘆服摘其佳聯以配唐人如西風草閣悲長箋明月蘆汀憶短簑陳王賓客俱文采虢國園亭盡主恩其名句也芳雖病廢其泉石風月之興不少損意之所適籃輿徑造杯觴嘯咏陶然終日其所欵接率騷人韻士衲子羽流平生著述有浪遊草淡園合併詩文蕉窻雜錄林泉志餘海天史畧選勝探竒諸集

劉子立字以中號蛟泉西陽人年十五失所怙貧無地安厝日夕悲泣神遂告以葬處善事母吳氏病失明不離左右者十餘年母卒廬墓側兄弟五人皆其完娶仲弟季弟歿卒撫其孤爲己子孝友愷睦人無間言尤博洽經史試輒首多士聚徒至百餘人一時縉紳半出其門嘗受學于鄒東郭與鄧元錫傅明應論道後園書社交相砥礪其教人一以躬行實踐爲主有體有用得聖賢正脉筠陽有劉夫子之稱常有劇盜過其門相與戒曰此劉某之家不可犯其德孚于人類如此憫筠俗棄女身育五女爲之倡作育女文以勸之感而舉女者不可勝記邑賦偏重仗義與吳會廖寶等極力條陳得改南

折筠人德之惜九科不第以歲貢授湖廣安鄉訓導卒于京所著有易經新義孝經註疏二史抄大學衍義板藏于家祀鄉賢

况世美字承之垂髫卽以遠大自期賦性耿介絕迹公庭學使者屢旌異之七困棘圍以萬厯乙卯歲薦司訓豐城一以作人爲事日與徐匡嶽談正修之學及轉楚大治諭辭曰寒羶非吾志草率了此足矣何間關楚遊爲遂拂袖歸郡邑屢請賓筵固辭不赴

陳如綸字元泉萬厯間恩貢就竹山令有善政苦節自持竹人士尸祝之念母在堂致政歸奉母克孝至老不衰林泉二十餘年無飾服無飽肉無結椽以遺子孫時與老宿結社詩壇柏林松竹之間吟咏風月而已著有仕學全編等集厯春秋九十

陳汝錡字伯容號眞吾萬厯間人少穎異不羣長而骯髒自負好議論天下事作秀才卽獻書開府邊公談兵事見海剛峯總憲南臺卽上書說其勇退謁選上春官則不肯私謁同鄉部堂人官建陽訓導則表宋矢祀死難呂祉之鄉賢裁當路宗伯故父翁見溪獨金字牌之名宦種種不避忌諱以義聲矯絕一世惜居任未久而卒所著有長短書周史總邑人劉九嶷尋而表章之僅得矩書殘板補刻廬陵張太史爲之序長書周史總僅得十之七八屬其孫良豸積抄之今俱湮

陳元琛字仍玉陳家湖人釗之曾孫質行端方文學淹博以貢任南康府訓督學駱日升聘主白鹿洞倡明經術四方名士景從咸謂江右徵君章潢以後一人遷建昌教諭從遊講學者益衆有興賢易俗之風陞汀洲府教授致仕家居讀書疏水自樂郡守陳振揚屢式其廬學者稱見南先生所著有北行漫筆南遊拙草拂袖餘談諸詩集後祀鄉賢子廷翰廷輔先後令關西有政聲

范世芸字陽華長沙舖人幼具至性秀雅異羣兒稍長嗜讀每至丙夜不休經史纒纒淹貫而動以古人自期司馬陳邦瞻宗伯敖文貞早以問學相友而見解強記每推讓世芸及二公貴每揚摧古今經世之務則就正于

芸芸直諒自如終其身無交利囑子之私士論高之晚以貢謁選授廣東始興訓造士有蘇湖之風尋解歸生緒蕭然哦咏不輟芸之才學識雅優著述然不欲以言論增風波而欲以踐履歸實地故筠士論君子儒者必首推焉

熊一粹字子賢別號旋川幼端凝讀書有夙慧博通經史百家與邑中劉蛟泉王槐庭諸名士遊每拈經史一疑義人人咋舌十七補弟子員爲學使巖泉徐公所賞識屢困場屋一日喟然嘆曰吾學但取青紫已乎不究性命終虛一生遂棄舉子業潛心聖學手校宋儒大全諸書造次跬步必準于道義致孝二尊人居喪哀禮備至

尤友愛諸兄弟舊宅童僕多所推讓念族無會祠典禮
草畧乃捐金建祠酌定饗祀諸儀註爲籍又爲譜序以
別昭穆常製家訓三條言近而指遠先是一粹三十無
子乃撫兄子茂松爲子庭訓嚴切茂松刺滄州迎養署
申勗以甘貧耐苦無冤人三語旣而思曰滄瘠且衝吾
何可以口腹累孺子且分孺子勤官之心乎趣裝歸囊
無一物恩誥兩次漠然不以爲榮老而好學咬齏讀書
每一衣經十年許不敝品其人可居黃憲管甯之次考
功郎鄒維璉爲之傳

胡維翰字良輔橫江人少敏慧博洽羣書爲諸生試輒冠
多士大爲郡伯體乾黃公賞識延入署中與諸子共學

出入謹飭絕不及私事黃益重之舉萬厯丁酉鄉薦出
宰泰甯鄖西二邑所至有惠政然性剛毅不能委蛇隨
時竟拂袖歸里閉門謝客授經于子若孫甘守清貧以
詩文自娛所著有誰思吟西遷諸集

劉顯璣字席珍西陽人自幼讀書過目成誦醞釀諸史百
家靡不淹貫爲文清真高古不傍他人墻壁萬厯丙午
補博士弟子員屢試高等壬子戊午兩次薦卷得而復
失毫不介懷愈閉戶窮經招里族工詩賦者朝夕吟咏
以養恬淡之天屏絕外事自是詩賦號稱小杜生平雅
不存稿只留杜若詩集及課試文稿俱不下百餘首待
刊行世胞弟顯璋補郡庠弟子員凡一切詩古文詞悉

準繩于璣而風艷遜之時羨家學淵源

陳汝俊字仰文十五都大成人弱冠補弟子員五赴棘闈性至孝年踰六十依依孺慕一日父病劇百藥弗效汝俊手捧心疏中夜籲天願損己壽以益父算聞者悽惻越日父病甦後汝俊以病終宗人哀而誄之曰大家文字追西漢樂府新聲擬盛唐不第劉蕡滋永嘆藏書讀罷淚千行著有西歸記黃花百韻四子銘

朱家紀字憲初社山人太僕吾弼子以廕當得官然不屑也砥礪學業爲時譽髦萬曆丙午試爲主司亟賞而卒裁于額生平敦尚行誼格言正論垂爲典則與叔吾楫交修尊祖敬宗之行雅慕范希文高風惜年僅顏壽逾

高安縣志

卷之十六

文苑

十三

二賚志以歿太僕復鄒南臯唁言吾兒學本聖賢志存匡濟以天下爲己任非虛言也子恒敬天啟甲子舉孝廉

陳邦儀字開甫荷山人與兄邦屏弟邦瓚俱工舉業有名庠序邦儀尤篤志自勵族兄大司馬邦瞻亟稱之八入鄉闈不得志遂肆力于詩歌晚益瀟灑自得有陶元亮之風所著有彈劔草

舊志遺今考
通志補入

劉武孫號清貽郡廩生將貢以母八旬在病自安引退問寢侍膳十年足不出戶母死哀毀骨立祭塋一如家禮晚閉戶力學著有文史提綱經史提綱春秋定衡周易象解四書質言水緯及佐時旁議山林讜議諸書明季

部敕郡邑舉巖藪實行有德之士署郡司理張大烈廉其文品將上薦武孫以髦辭學使陸錫明賜額表之張公序其文史提綱二十卷未梓藏于家

舒宏緒字芑孫城北人郡廩生具雋才以詩文名常與江州文用昭南州徐巨源輩結匡山大社于會城巨源推其七言律香艷可空作者屢舉弗售遂補南雍恣遊吳越間溧水陳百史婁江吳梅村宜豐黃石公互相友善卒于金陵客邸主人殮之南州鄒士可在白門爲之歸其柩詩文多散失存者僅十之一

胡備號一庵石街人攻苦力學以古人自命處約淡如伯子知其貧欲分潤之辭不受事母甚恭謹惟知養志崇

高安縣志

卷之十六

文苑

十四

正己卯鄉試見知馬太史世竒稱其七菽言言血性甲申聞時事之變太史殉難**備**傷悼廢書誓老邱壑年躋八十而卒

朱朝綬字斗如軾之祖品行純潔動以聖賢爲法而湛深經術旁及諸子百家靡不淹貫補弟子員試棘闈得而復失者再然志彌堅而學彌篤不以時命自諉雖終其身數竒不遇而其人其文都人士咸宗仰之弟朝縉亦資穎學富名噪一時而享年不永惜哉

范體仁字長卿長沙舖人賦才磊落以博學贍詞稱屢冠多士崇正己巳選貢授粵西叅軍上治平書切陳時艱留中不報陞長甯知縣以國變未赴家居杜門著述有

種書閣集泉閣雅言鳧舄閒編二十餘卷

梁吉字允迪溪上人幼穎異讀書過目成誦關閩濂洛諸子百家之奧靡不研究精微九歲入縣庠十歲食餼廩自是名噪膠庠每遇文宗較試輒取冠羣英生平著作甚富惜皆散佚僅刻有梅花詩百韻行世

陳一鵬字九萬西塘人年十四補弟子員聲譽奕奕試輒高等學使陳懋德王維夔賞鑑倍常晚與劔邑羅吳臯太史唱和鼓吹風雅歷諸生五十餘年嗜學弗倦卒之前十日以寢疾輟誦讀謂其子恂曰可書壁以志吾過其攻苦類如此著有西塘集

宋士毅字任卿馬鞍嶺人稟姿穎異過目不忘邑令陳從

高安縣志

卷之十六

文苑

十五

教拔冠軍丙子領鄉薦激昂任事利弊悉有條理甲申變後自分引退幾以蔓引罹禍事釋閉門著書辛卯卒于家

楊懷玉字斯立埠頭人飶于經史言笑不苟設帳南城門下稱肅齋先生著有元亭草并筠陽八景詩

劉丹生字心如曰珩之子甫讀章句師以瞻彼淇澳令對卽應聲云止於邱隅衆竒之年十二補弟子員試卽冠軍同輩心折品其才如錦誼如雲不可一世與宗人九嶷稱二劉崇正壬午以葩經冠多士本房沈應旦以中秘期之後有所迫小就匡城教授兼督白鹿洞課士之暇徜徉五老九竒間日與同邑鄒篤生黃岡王一翥南

州謚紹津詩歌唱答起立黃犢山大社并指貲葺先西
澗遺址有終老香山之意號犢山居士改都昌諭從遊
者日衆天不假年士林惜之

徐日曦字子馭仁濟坊人少警敏目數行下試輒前茅與
同里劉丹生熊坊劉九嶷宋士毅王尙卿等念六人共
訂源社咸推曦爲社中祭酒以府學廩生領崇正壬午
鄉薦鼎革後或勸之仕曦謝曰富貴非吾願唯擁戶著
書暇則涉田園與鄉人話桑麻賭酒差足快耳嘗從百
丈源和尚談經頗有解悟一日偕衲子煮茗夜話四壁
闐然忽笙簧過耳一座驚異曦獨神怡漏盡返房闔家
人亦以所聞告曦曰有以哉吾今全受全歸矣不踰時

高安縣志

卷之十六

文苑

十六

端坐而逝子星奎廩生星璧歲貢能世其業後裔科甲
稱盛

劉九嶷字嶽生一都金沙羅苑人領崇正丙子鄉薦丁丑
庚辰連上公車不第見明政曰非杜門索處築傍蓮書
院於蓮池之上屏絕應酬著書自得畧載江西通志甲
申聞闖賊陷京師哀呼號泣如喪考妣投蓮池水以殉
難鄰人見而救之卽懷刃欲爲自殺計其父涕泣曰爾
舍生取義固其大節但何以安吾二老於是權衡忠孝
兩難之際奔國蓮寺薙髮爲僧以首與親以髮與君易
名性孽易字慟子縛草爲闖操矢以射又於書院之旁
卜基方丈築爲壽藏預勒明遺民劉慟子墓顏曰慟城

著慟城曲二卷丁內艱以守制制字宜從自致之義著
致草一卷丁外艱著後致草一卷其忠孝性成凜然節
義雖在草茅忠君愛國之心惓惓不忘學問淹貫博雅
詩尤竒快一字一句之間經其錘鍊便推陳出新著有
髮聲詩一卷髮牘詩一卷蕙泉詩一卷同患言詩百餘
首燕子詩二十四章誠意章制藝五十五篇手禱微能
一集五經講意一集選義林三集按吳志此傳多摘去
今據聶志補入

鄧應宿字小白庫溪人與兄應韜先後餼郡庠韜由恩貢
官至太守而宿落落自適屢赴棘闈志不干進題詩裁
簡自命烟波主人甲申變後買宅於艮山挈妻子從之

高安縣志

卷之十六

文苑

十七

三年不出卒死於其地爲人才品詩札一一擅勝惜儉
於氣魄一種郊寒島瘦之意時存筆墨之間任人以於
陵誚之而苦心孤詣勿避也遺有涉園詩草應韜將序
而梓之

劉忠字遠孝謙之子少孤能自立有文名爲府學生試輒
優等崇正中學使侯公峒曾見其文丰骨珊珊岸然獨
異愛之甚摯食廩有年甲午遊白下時補考之令最嚴
忠難之飄然棄去披緇以老康熙中復漫遊毘陵過武
林受戒於靈隱晦和尚歸有詩名放言草刻未竣遂卒
年七十三

吳江字淡生南城禮義坊人少補諸生力學嗜古登作者

之壇一時推爲龍象晚築室獨居顏曰耳園積書千卷於內閉關尙論自先秦以下各有條理一時鉅公皆兄事之生平重聲氣薄裘馬晚雖處約而恬澹自若有睥睨一切之致所著諸篇俱藏於家僅西湖草楚聲香心韻三種梓行

國朝

許捷字一三本姓陳赤土人籍隸南昌增廣生天才曠逸目數行下總角時父鈞每授奧義卽譏然已解爲文泉思瀆涌制藝古辭兩擅其長窮年博綜凡經史子集任舉一義無不本本原原時有陳書櫥之稱七試棘闈丁酉庚子幾入彀以字句乙之遂樂意林泉閉戶著書都人士咸奉爲楷模迄今子孫登科名列仕籍遊鬻序者數十人

高安縣志

卷之十六

文苑

十八

吳克生字文卿十六都黃笈人天才卓邁庚子魁江省辛丑中會副雖弱不勝衣而鼓其雄心不奪幟不已甲辰登第猶有中眉之嘆扶病南歸卒於舟柩返章門大司馬李梅公先生暨諸同人向江干泣而誄之克生事親孝居喪守禮不踰服除獲雋北上歸夢炊臼卒無嗣才豐而命嗇士林惜之

陳之璠字奐若十五都笈溪人九歲能文弱冠補郡弟子員雅爲當事重言矩行方凡薦紳先生賢豪長者往來贈答罔弗心折秉鐸鱣堂以聖賢爲期歲辛亥與修縣

志邑令張理庵有學追班馬之額著有寓筠虔遊南國
諸草無病而終

朱超敬字遠思號芝亭社山人家繩之子性嗜書恥言財
帛弱冠應童子試爲郡伯賞識拔冠一軍與兄愷敬同
補弟子員每試輒高等然心猶欲然乃入廬山僧寺閉
戶讀書三年凡五經性理諸史百子及秦漢大家之文
靡不講究淹貫爲文光燄奪日書卷之氣溢于行間壬
子選拔入成均三應季考皆第一名噪京師一時名流
皆折節慕之與韓慕廬徐方虎先生最相友善隨入北
闈同榜中式是科徐健庵主試得超卷極擊賞稱爲南
州一士癸丑會試得而復失健菴諭慰之乃評序其制

高安縣志

卷之十六

文苑

十九

菽謂可與慕廬頡頏歸家見母年高髮白不忍遠離無
復公車之想親友強之曰顯揚未可必而空負愛日之
心吾不爲也家居事母而外惟日課子諸子文名皆振
于時年四十九而卒生平著作甚富以寅卯賊燬其居
悉爲灰燼今所存者惟東園制菽東園詩集諸說折衷
而已

陳九疇字乾錫耆英堯佐子也性孝友負雋才食貧力學
時人爲之避席世居赤土遷居縣治趾不及公門而毅
然以一縣之利弊自任順治甲午奉

旨清汰浮賦九疇不避斧鑕就質公府賦役因之釐正尋編爲
全書高安得以慶更生九疇與有力焉邑舊無志邑令

張理菴創始修輯九疇領袖董事年未六旬閉關課子以自樂其恬淡之性

何至清字瑞興號逸園伍橋馬山人少穎異作文立就學使豫章侯公奇其文目爲山川正氣拔冠縣庠與同邑劉九嶷友善贈有砭俗逢人成罵癖論文中酒近詩狂之句生平著有易經集要歷代忠孝摘畧遭甲寅寇燬于火僅存課兒古稀望八諸草行世子九人列膠庠者六登賢書者一年逾八十而卒

吳成濬字源長龍山人品行端方學問淹博精于韻學著有竹園詩集劍邑祭酒羅大任爲之評點以詩書傳家後裔科甲蟬聯簪纓繼起皆成濬積而有待之報也

高安縣志

卷之十六

文苑

二十

楊一璫號節菴城南下坊人髫年失怙值兵亂母周淑人攜避于以易山璫囊書相隨不以顛沛流離廢業弱冠餼于縣庠試輒冠軍領康熙己酉鄉薦公車七上不第爰以知縣改諭鄱陽振興學校造就人才十四年暨暨不倦庚辰以幼子蘇臣第進士力請解組時諸子諸孫多列鬢序璫杜門不出惟嚴庭訓壽八十四終

熊翼字羽成高明門外人少孤事母至孝祖楫宦橐蕭然常饘粥不繼翼力學益堅及長貫通經史下筆千言立就屢試冠軍先後學使者及郡邑大夫稱爲名儒咸尊禮焉設教筠南最多士以聖賢之學一時高邑名卿士半出其門康熙癸卯壬子兩中副車所著有毛詩精蘊

三禮會要太極通書正蒙諸解留餘堂詩文稿等集遷居南城仁濟坊

熊鼎字耳玉十六都能坊人同宗叔祖羽成及門之高弟也秉姿英敏持躬純粹弱冠補弟子員旋食廩餼試輒高等與業師羽成齊名人稱二熊沉酣經史尤究心諸子詩傳古序及諸家詮解著有詩經廣義後裔弋科名者遂以毛詩世其業十試棘闈屢薦不售康熙癸酉科歲貢壽六十有八終

徐旭字公升號碧峯北里人自幼穎敏好學嗜古爲文理法精密康熙丙子舉于鄉丁丑成進士大中丞司馬公聘主豫章講席一時名士盡出其門初授貴州鎮遠知縣行取陞吏部驗封主政辛卯奉

高安縣志

卷之十六

文苑

二十一

命典貴州鄉試未出京而卒布衣殯殮之外一無長物賴同鄉贈賻始得扶櫬歸里生平著述甚富惜多散失所存惟碧峯文集待刻行世

吳蒼璧字次琮邑庠生龍山人雅工詞翰博極羣書尤留心經學貫串漢唐以來諸儒先之說一一折衷其是非文行兼優名噪豫章時馬見五大中丞有草廬嫡骨傳衣之日子三皆有文名人稱蕊樹三珠後以孫霽

馳贈修職郎

朱之辨字訥士社山人進士之間之兄天姿粹美學問淹通爲諸生時卓卓有聲以選拔入監中己卯北闈領鄉

薦潦倒公車二十餘年得而復失者數次人有勸其就邊缺者辨不聽窮益堅而志益厲至癸卯捷南宮知湖廣新田縣飲冰自矢務以德化民不事筭筵新邑多盜黃勞巴李眞爲渠魁皆忤逆不孝辨緝之到縣諭以理法感其天良二人相對悲泣辨察其悔罪情眞使充捕役贖罪後改行孝養急公捕賊地方甯謐以撫字心勞卒于官二人負母挽輻哭送數百里迨西陲用兵選取技勇二人皆膺武職其化頑爲良類如此辨仕宦五六年家徒四壁樞歸貧無以葬戚友助之子若孫皆入庠序克繼家聲

楊蘇臣號復齋南城下坊人世清之孫一璫之子志僑之

高安縣志

卷之十六

文苑

二十二

父雖累世科甲仕宦蘇臣爲清白吏後裔貧苦讀書過目不忘弱齡冠縣庠登康熙丙子鄉薦庚辰成進士循循孝友裹足公門族黨無間言歲丁亥謁選吏部年未四旬忽以疾卒于京鄉之縉紳大人無不撫柩而痛其經濟之未展云

歐陽烈字芑孫號恕菴碧落巷人生而穎異博通經史尤精于毛詩左傳類能發其旨趣年十三補弟子員旋食餼聲名藉甚學使者拭目每稱爲淵博之士康熙庚午己卯兩次薦卷以數竒終老明經爲人孝友幼失怙恃事兄如父蓼莪之痛與棠棣之懷終身勿替且方正不阿慎于取友其所與遊皆一時賢豪晚年猶手不釋卷

子若孫先後登科皆其庭訓之效云

吳瑗字豐玉號石齋龍山人聰穎嗜學動依禮法方十齡時滇藩倡逆草竊蹂躪家人避寇轉徙瑗扶掖母行足疲憊弗少倦稍暇卽肆力經籍爲文沉刻不捨人牙後慧年十四補弟子員試輒冠軍顧困于鄉舉再薦弗售遊京師鉅公名流爭相引重瑗不事逢迎遽拂衣歸抱病經年猶日繙經史及諸儒先書不輟後學經其指授多所成就晚尤喜象山集謂其識見超朗議論簡直可接濂洛一派易簣之夕語子弟曰讀書數十年苦于道未有見惟此心稍不放逸學問之道無他汝曹勉之臨川李少宗伯紱爲作墓表謂

高安縣志

卷之十六

文苑

二十三

國朝西江積學未遇者惟南康干達士先生瑗其亞也文載穆堂集南豐湯少宰倓甯化雷銀臺鉉亦皆有傳所著有石齋文稿行世子爲良有司爲名宿皆瑗庭訓之功

徐爾昌字禹拜號漑亭宮詹敬齋先生之冢子生而穎異十歲爲文多竒警先輩咸器異之年十六名震膠庠十九中本省己卯副榜至辛卯獲雋爲人丰骨英爽爲文以廬陵爲法工楷書出入鍾王中朝先達咸以鼎甲相期乙未壬辰兩薦不第宮詹公歿哀毀盡禮服闋思以文章繼先人業而玉樓遽召未竟厥志時年四十二當時惜之人品學問詳甯都太史李龍官傳

鄭洞字開心號樸齋米嶺人祖仲顓有隱德父璉辛卯鄉薦洞幼穎不凡長益肆力于學經傳子史詩古文詞靡不究心弱冠遊泮試輒高等雍正癸卯選拔入成均每會課司成得其卷必擊節嘆賞有國士之目兩試北闈不售請假歸里閉戶著書丁巳授峽江教諭毅然以振興文教爲己任卻脯修捐薪俸勅文昌閣學規準乎鹿洞造就等乎蘇湖峽邑科名由此益盛其地有玉笥山頗稱名勝間與二三名宿登臨賦詩一觴一咏怡然自樂蒞任未久忽以疾卒峽人士思慕不忘所著詩文稿多散佚未及付梓後有達人幸索遺文而表彰之

吳琇字秀玉號耳軒龍山人生而聰慧務博洽九歲能文弱冠補諸生試輒高等秋闈四薦未售雍正癸卯以選拔貢成均乙巳

高安縣志

卷之十六

文苑

二十四

詔舉孝廉方正學使沈公翼機以其名檄學具薦琇力辭弗就乙卯始舉于鄉丙辰成進士諸公卿重其名有欲爲薦舉者琇笑而謝之秋初歸里杜門著述惟訓後學是務經史性理諸書皆手自校訂爲文宏博淵深詩尤古雅遠近就正者踵相接琇溫厚循謹貌若不自持然內守堅確雖細行必檢天性孝友教人亦必以忠孝謂士先德行而後文菽生平著述甚富不自藏稿所存有耳軒初集惜春草等篇嗣刻行世子長列清華館職次由訓導陞貳尹以勤勞卒于官羣稱世有哲人

朱炯字季楊文端之季弟也秉性純粹嗜學不厭讀書端坐默識不事呶語而體認精切凡五經性理諸史百子及秦漢以來大家之文靡不貫徹弱冠補弟子員旋食餼名噪膠庠甲午舉于鄉四上公車不售朝卿有以文學保薦助教者堅辭不就任武甯教諭以興起教化爲己任一切贄儀俱不受以給士之貧者甯邑文風未振經其指授爲文皆有法度自是科名蔚起皆曰朱先生之力也以內艱歸哀毀骨立服闋無意仕進樂志林泉居家閉戶著書暇則與二三知己徜徉林麓間爲人寓精明于渾厚不言人過失而詐者自獻其誠里有紛爭一經剖析無不立解年六十卒子二人皆登賢書

高安縣志

卷之十六

文苑

二十五

劉敏昌字遜及西陽人弱冠補郡庠旋食餼戊子鄉試已獲售而復失癸巳

恩科又備卷在學三十載試輒前茅博極羣書一切詩古文辭援筆立就有如風搆孝友根于天性宗族鄉黨無間言人有忿爭得其片語卽釋遇道殣必捐貲殮埋學校公論謂一時文行無有出其右者舉以應優行之選上之學使沈公加看語云居家孝友品行端方薦牘方就而卒惜哉所著有西園制菝及文集詩集數十卷待刻行世西園其別號也

吳錫祚字公純號惺齋黃笈人天性孝謹篤學勵行爲文矩步先正敖邑潘太史述祖見而契之有金和玉節之

評爲人寬和坦易生平無疾言遽色中年失怙哀毀骨立服闋補弟子員益肆力聖賢之學自搆逢源書屋朝夕與弟子討論雖屢困棘闈不以得失介意乾隆丙辰其子獲雋遂謝舉子業日以戲綵北堂爲娛年六十餘歲一夕論文娓娓不倦倏閉目而逝見者駭慟所著有史學要義四書啟蒙詩經啟蒙管見存言

劉友瞻字紹長一都金沙西村人讀書多識躬行實踐事父母至孝待兄弟至和立言必信制行必謹平居立志每以聖賢爲必可學其于性理近思錄終身蓋疊疊焉自奉甚儉然濟人利物絕不少靳有某將鬻其妻以償逋負者傾囊給之夫婦始全其行事大率類此遊其門

高安縣志

卷之十六

文苑

二十六

者詔以先行後文嘗謂小學一書是吾儒站立脚跟處又謂

國家以經義取士須從聖賢分際確有體認方能發爲文章科舉之學卽心性功夫也窮年矻矻偃蹇諸生中垂五十年乾隆辛酉年八十猶攜其子姪就鄉試是科其子發純以弋陽教諭中式越甲子猶與試厥子婉辭止之曰吾精力尙健不爲疲也年八十五歲卒著有自警十則周子通書張子西銘正蒙直解六卷

徐永欽字綸章號葵園仁濟坊人佐之子天姿穎異識見超卓年十五郡伯李公如喬拔冠童子軍補郡博士弟子員旋食餼試輒冠軍一時名宿咸心折之凡經書子

史及諸大家文一寓目數十年不忘于毛詩三禮史記左傳尤得其旨趣鄉闈得而復失者數次歲丙子中丞馬公調取豫章書院肄業掌教熊漁濱先生以大器目之康熙再壬寅以歲薦授撫州宜黃訓導實心造士學中祭品由產數十年未清之物悉爲振興督學趙公巡按周公嘉其才學以匾贈之致仕後年踰八十日以音韻課授孫曾生平氣宇豪爽風度飄逸卽談諧談論無不風雅宜人至其才堪肆應料事多中又爲餘事

朱守誼字正叔號容齋超敬第三子也自幼穎異爲文若出夙構與弟守詔同受知于學使邵公補弟子員學分郡邑各冠一軍庚午壬午兩次薦卷得而復失不以介

高安縣志

卷之十六

文苑

二十七

意兄弟四人極相友愛奉長兄曰鳳如嚴父爲人和平樂易喜怒率其天真族太傅文端深重之嘗爲其子必坦行冠禮擇請大賓時貴客盈座而束帛輿馬迎誼人謂何外求爲答曰吾欲孺子師公範也族曾伯祖太僕密所公高邑先輩中之有聲錚錚者後嗣僅存一綫貧窶無依誼減食飼之又鬻田數畝爲聘婦聯生二子一女而歿誼囑其子之元撫其孤寡居之食之無令失所太僕之得延其嗣者誼之力也年七十有五卒之前三日飲畢忽曰明日勿進食惟飲水以淨腸胃吾某日當逝矣來視者晉接如常尙與談說鈴所載竒聞異見事至期端坐而逝

吳槐元號在中龍山人蒼壁之幼子也祖父皆以文學著
槐少孤從事堂兄識鴻肆力于經史子集所作今古文
詞一一出自機杼而德器深遠不尙慷慨激烈之行人
有橫逆犯而不校其文章品行咸推重焉戊戌受知督
學王公後屢爲哲匠宗工擊賞邑令欽其雅望延見之
論文竟日一語不及私學師郭欲以優行舉槐力辭不
就庚午始以年資貢禮部生平著述甚多惜散軼未獲
成帙刻有試草行世其長子以副貢授廣昌教諭三子
以優貢授甯州學正贈槐元修職郎如其官四子循例
分發浙江署天台縣丞孫庚子舉孝廉曾孫癸丑成進
士科第聯翩見其貽謀者遠云

高安縣志

卷之十六

文苑

二十八

雷寅字東甫筠南山畚里人年二十補弟子員卽食餼屢
試冠軍甲子領鄉薦計偕連次未售爲人端嚴正直不
與外事日以詩文與諸名士相倡和先時大父創有書
室稍爲擴之顏曰斯園購輯圖書摩挲其中著有易象
叅解春秋傳質義詩論周官畧義公車雜錄以帙繁尙
未付梓獨畚山詩集與斯園集制菽畧梓以行適
朝廷詔舉經術郡縣敦趣其書繕寫以應聞者方爲拭目歲
壬申赴

恩科會試中途疾作行抵東昌卒于逆旅年甫四十昇櫬旋里

士林悼之

徐作梅字庾仙北里縣後人稟姿聰慧賦性謙恭年十七

補郡博士弟子員屢試冠軍鄉闈屢薦未售博覽羣書
寒暑不輟爲文步趨先正不獵時趨雖數竒不偶不怨
不尤居家以孝友聞授生徒首重品行門下士多賢達
雍正元年

詔舉孝廉方正邑紳士公舉梅應力辭不就爲諸生三十餘年
凡歲科觀風月課諸考無不優錄而獨難于科第僅以
歲薦終士林咸爲之惜

陳洪淡字永公荷山人天姿聰穎總角時志存遠畧方就
家塾章句之暇嘗竊觀史鑑一日見范文正公傳喟然
嘆曰士君子讀聖賢書必如是方不愧聖賢種子族中
先達咸竒其言弱冠補邑博士弟子員屢試冠軍鄉闈
得而復朱者數次恬然以義命自安讀書過目成誦無
分寒暑手不釋卷爲文準先正典型遠近名宿無不樂
與倡和父早喪事母極孝家雖貧館穀頗豐未嘗爲一
身計安飽資給昆季必囊空乃已乾隆元年

詔舉博學鴻詞時副憲王公紘爲江省方伯悉其文品舉以應
詔

廷試疾作書卷未畢見遺臨川穆堂李公見其詩賦策論深
爲扼腕年四十二膺歲薦明年以疾卒聞者莫不嘆息
陳肇元字掄及城南小街口人性情豁達才具優長家貧
好學爲諸生屢試高等中丞白公督學王公取入豫章
書院肄業各郡名士樂與唱和事父母敬養備至本邑

宮詹徐公悉其文品延爲西席建宗祠修族譜皆其倡率以歲貢授定南訓導蒞任四載實力課士不徒以文菽相勗歲壬申定邑苦旱米價騰貴元與邑宰何公設法救荒親至鄉村勸諭富戶出粟周濟全活甚衆士民以其事聞于府道督學各憲皆爲匾旌年七十五卒于任囊無餘資士皆涕泣柩旋邑人感其賢爭相賻贈

吳家修字廷獻龍山人邑庠生爲文出入經史理法兼優教育諸生循循善誘遊其門者多知名之士以數竒不獲上進退守家塾督課後嗣其子以明經候選孫亦蜚聲鬢序壽八十有五而終

朱曰俊字翼之一都清湖人自幼勤學垂髫能文廿歲遊泮旋食餼時有國士之目以數竒不偶終老明經其于孝友大節毫無所虧訓子姪諄諄以勤儉爲本以道義爲閑又恐後人不能恪守自顏其室曰永思遺訓其爲人如此迄今後嗣代有賢達

塗紹周字宸臣北城縣下人品粹學純爲行輩欽仰食餼郡庠勵志潛修以講明聖學爲己任誘進後學先道德而後文菽遊其門者皆篤實之士年六十五未竟厥緒而卒至今猶令人憶其芳軌稱道勿衰

朱之問字裕夫自幼穎敏非常若有夙慧十歲能文出語驚其長老家貧未能從師與兄之辨自相切磋名振一時人有雙珠之目中康熙乙未科進士時新例教習三

年在京二載得病告歸卒于舟豐于才而薄于命人共惜之

陳洪元字乾先荷山人器宇磊落弱冠卽以古人自期爲文自成機杼無一語寄人籬下詩古文詞尤爲擅長書法精工酷類元常逸少性至孝善體親心父守創登顯秩元閉門掃軌左圖右史以自娛歲甲辰登賢書公車北上場事畢不問得失一肩行李而歸由是絕意仕進日與族昆季能文者窮迴溪陟高山飛觥浮白于荷華峭蒨中興至豪吟有飄飄物外之槩年三十九先父卒士論惜之

朱曰鳳朱守詔俱超敬子學有淵源郡邑二學屢次冠軍

高安縣志

卷之十六

文苑

三十一

聲名藉甚鳳以選拔登戊子賢書詔以選拔終俱有黼黻之才未盡其用時論惜之

陳光瑞字輯侯赤土人博古工書康熙辛卯鄉薦爲人和藹而曾有涇渭與族兄弟叔姪處不爲岸異遇事一衷于理亦不苟同交遊皆賢達士至今人猶思之

陳健德字庶資赤土人郡廩生質敏好學涵養深邃不矜人以識而人不之欺不多人以能而人莫之侮乾隆丙辰膺歲薦改授

恩貢

劉廷元字掄三一都塘北人邑增生學問淹博屢列前茅教育子姪循循有法惜天不假年未遂厥志凡屬知名

之士咸爲惋嘆

朱必考字最臣良溪人中雍正元年

恩科舉人歷任福建安溪縣知縣甚有政聲與修邑乘惜未竣事而卒

謝家鳳字梧岡稠塘人雍正己酉科舉人任永新縣儒學教諭與修邑乘惜未竣事而卒

徐源言字崑來仁濟坊人邑廩生與修邑乘惜未竣事而卒

梁家駒字遠及溪上人邑舉人與修邑乘未竟而卒

以上舊志

吳衢字天行龍山人家貧嗜學博極羣書其爲文縱橫雄悍初入泮名發元在庠十載名日起戊辰歲試衢厭文

高安縣志

卷之十六

文苑

三十二

風卑靡別求生新衡文者竟以險僻黜己巳更今名再就童子試邑侯盛公鍾賢擊節歎賞拔冠一軍旋復爲縣學生學使者邵語衢曰吾昨失子今復得子何異歐陽之斥劉幾復取劉輝耶去其軋茁歸於醇雅吾不能量其所至矣癸酉登賢書同里朱文端公其榜首也癸未會試吏部主政張公最首薦草榜已定適爲他房有力者所奪榜後張公備語其由深爲惋惜衢幼時有道人見曰此一榜兩秀才也取名曰衢後卒如其言生平著述甚富卒時子幼散失殆盡惟四書見解并試草尙存待刊孫乾隆壬子歲貢

鄭仲星字日生號輝齋米峯人生平喜讀書絕口不言利

其爲文也理根朱程骨摹柳曾應童子試極爲邑侯陳公所賞拔年十八補弟子員順治甲午鄉試房薦甚力以數溢置之康熙壬子科文已入彀因孟菽有小疵又不獲售然其文俱刊刻行世膾炙人口矣中年以徃尤究心理學讀書於青霞道院杜門不出者十四年所著有四書彙解詩經辨疑全史策要曲成後學雖力與心違未及梓行而索稿抄錄者已遍鄉塾矣且坐春風沾化雨者類多名顯時號輝齋先生後裔獲領鄉薦

吳學瀚字廣思號澹園龍山人丙辰進士琇之子也年十四補博士弟子員十五食餼二十四舉於鄉雍正己酉受江南大中丞聘充同考試官分校書三房辛亥奉部

截取觀政刑部癸丑會試中十六名經魁官庶常生平讀書務求根柢在史館下筆千言洋洋灑灑同輩罔不推服時江南方公靈臯主教習臨川李公穆堂卓立文壇瀚遊二先生之門得其指授故作文皆有法度中程式性恬淡丙辰告假隨父歸里其時父矍鑠甚原可卽出而瀚堅卧不起宮袍侍養依依如孺子慕嗣後豐草長林課子姪以詩書交族人以誠實雅度汪洋人以拂逆相加從未見有愠怒色年九十而卒所著有澹園文稿文集待刊

何天秩字季庸號不倚伍橋人郡增生秉資穎異讀書過目成誦詩古文嗣卓然成家與劉嶽生先生倡和極多

刻意進取屢薦不售賫志以歿著有擬捷策畧不倚堂詩稿蘇長公文集評點待梓行世

吳應尹字三聘城南石橋人質穎異淹通經史過目不忘弱冠補博士弟子員試輒高等後雖棘闈屢困而嗜學之心未嘗稍懈爲文崇雅黜浮一時名流遊其門者皆各有根柢著有梧軒文集待梓咸稱爲梧軒先生

熊心字啟乃號存齋熊坊人秉姿穎異讀書數行並下過目不忘年十六補弟子員文章秀拔屢試前茅旋領康熙癸巳

恩科鄉薦會試禮闈薦心爲房首以額滿見遺後遂淡志爲人素性豪邁遇名山勝境輒加題詠以寫曠懷翼燕之謀

高安縣志

卷之十六

文苑

三十四

詩書爲業三子俱列膠庠次則食餼充貢孫曾亦皆遊泮著有存齋詩草待梓問世

何蔚然字豹文伍橋人自少倜儻不羣潛心經史以郡庠食餼每試輒列首選雖屢薦不售志不少衰嗜學工文教育多材一時學者咸宗之著有四書文稿春秋文選待刊問世

王家瑞字呈斗龍池人遷居南城下坊弱冠補邑增生爲文出入經史理法兼優教育諸生循循善誘屢薦不售遂退守家塾督課諸子繼志鬻序享年古稀以壽終

吳應奎字宿五號毅庵龍山人性嗜學以尊人竹園公肆力墳典又不肯爲制舉業思欲一大其志家雖屢空而

祖鞭益奮幼補弟子員秋風屢躓了無愠意日與二丈
夫子閉戶講學卒後次君以孝廉出宰而諸孫或由進
士任劇或膺卓薦守郡

恩綸稠疊必于子孫信不虛云

徐啟信字成之號石亭邑庠生南城石橋人秉性誠樸讀
書力求根柢爲文雅正清真卓然先民矩矱一時遊其
門者罔不沐其甄陶著有易經講義性理集要

吳士謙字益受號牧莊龍山人邑名諸生素孝友每與季
弟論辨往復交相爲師間出所學推益於人一時知名
爭納贄焉性坦易有干犯者笑而謝之居恒以儉率人
其季弟與冢君先後登仕而食不兼味衣不完縷終始

高安縣志

卷之十六

文苑

三十五

無移厥後

覃恩應得封階語人曰此老頭巾卻有味何必因子改邪及
冢君循例請之益欲然自下壽近八十而終

陳遠新字丹麓號雲莊赤土上官庄人天性穎異讀諸子
百家書會心獨遠爲文不拘繩墨自成一家言中甲辰
科副車任宜黃縣教諭其著書融會貫串洞見古人本
旨太守沈泊村甚敬之而爲之序乾隆辛未與修邑乘
剛正不阿載筆極其嚴毅泊老築別墅于白雲莊課讀
之暇種花薙圃以終餘年故自號爲雲莊叟云

吳化時字雨滋龍山人性崖岸不苟言笑雖家庭之習舉
動必以禮博極羣書尤精楷法試輒冠軍乾隆戊午以

詩經第一名中式七上公車中壬戌明通榜治家極拙
北上常幙被自隨潦倒一生賚志以歿士林憫焉刻有
珠水試牘行世

熊定求字曰章號我堂懋瑚之孫幼貧窘矢志讀書以繼
祖志有弟四人連床督課菽水怡然年十三入郡庠試
輒冠軍文彷彿金陳前後學使者多器重之一郡咸稱
祭酒焉薦於鄉闈數次卒不售乾隆庚寅貢成均以

覃恩例選教諭子孫並列膠庠仁濟坊人

吳舍章字煥唐龍山人歲貢生博通典籍作文縱橫排奐
鎔經史之精而自出機杼見者以爲李石臺章雲李再
世弱冠應江西己酉科鄉試主司擬魁累日以二場不

高安縣志

卷之十六

文苑

三十六

至見遺易二房刻文郵寄大加獎借深爲期屬大銀臺
朱愚峯先生延主西席薄遊都門與諸前輩論古今口
講指畫源委秩然烏程泊村先生來守筠陽拔冠多士
進謁之餘時聆指受而所學益醅則直可躡張曉樓座
矣然鷁羽退飛六薦不售僅以明經終所著有存餘稿
子若孫先後登科餘亦蜚聲庠序

徐圖字文河九都協塘人賦姿穎異嗜學絕倫爲文不趨
時好且才思敏捷落筆千言立就年十九督學王省齋
拔冠邑庠隨食餼屢試冠軍聲名籍甚一時陳木齋雷
東甫陳扶五輩爭相引重遊其門者多所成就所著有
文河時菽稿藏於家

熊學洪字衛瞻號竹莊熊坊人甫弱冠補弟子員旋食郡
餼以年滿充正貢學問醅粹爲文意到筆隨千言立就
法度悉準先民訓授生徒雅稱善誘計獲成立者不下
百餘人待兄弟尤極友愛讀書時連床課誦後雖分爨
所得館穀不以自私是真經明而行修者享年六十有
三子列成均孫入邑庠著有歷試芳草竹莊閒吟詩集
藏家待梓

吳悅生字巽受龍山人學山次子也性聰穎讀書過目成
誦作文幽曠宛委讀者無不快心總角入泮卽冠郡彥
因體弱多病父母屢以勤讀節之悅刻苦倍至不避寒
暑私讀帳中帳爲之黑而文彌簡刻精深詩喜盤硬語

高安縣志

卷之十六

文苑

三十七

書法則追摹小歐督學金檜門優取貢部肄業成均王
大司空安國管大司成事見而竒之拔冠多士每稱譽
於公卿間以爲豫章翹楚竚見干霄入雲然體羸不耐
北地風霜因告假歸尋病歿於霍山官署年僅二十有
八所著拙吾堂稿吳江周旭之先生爲之點定

陳規昌字和五尙書匡左公來孫博聞強記嗜學不倦嘗
受業於吳興沈泊村極目爲青雲之士在諸生中屢試
高等名噪一時乾隆乙酉舉於鄉生平砥礪自立冀紹
前徽年屆五旬遘疾而卒所著有補堂詩文草編輯有
歷朝文鈔待梓問世

汪桂字清遠號月林四都汝塘人幼穎慧甫就學詩文援

筆立就弱冠補邑弟子員凡經史諸子百家必彙輯蒐覽寒暑不撤尤於四子書統會叅攷錄寫繙駁章疏節解分晰通融永爲案頭家珍集有歷試文鈔刈餘詩草待梓惜積學不售僅以明經老壽七十九卒子中乾隆丁酉副車

王洛字潤程號慎堂城南連通坊人祖居四十五都赤溪梅口生平篤學好問至老不倦尤精音律一時遠近知名士遊其門者甚衆著有慎堂制菽郡伯吳興沈泊材及鳳儀書院山長保昌胡靜園先生等爲之序

陳瑛字扶五荷山人好學能文品高行潔餼邑二十餘年士林推爲老宿遊其門者多拾芹登第所著留耕堂稿四書講義族少司農木齋叙之

高安縣志

卷之十六

文苑

三十八

魯點字聖與二十八都幽嵐淇園人性敏學優規言矩步補邑弟子員益潛心經史揣摩制菽棘闡累薦不售猶循循不失故業晚集生平所爲文一百篇經名公大人評定者欲付梓以家貧乏資未果未幾卒士林惜之陳弼號靜堂赤土人天性篤誠旁通載籍制菽本先民矩矱兼工楷書以詩古經解入彀受知於督學張公補博士弟子員謝周兩宗師俱屢拔前茅因鄉薦數竒貢入成均乃晉秩請封爲母金太恭人八旬壽居家恂恂孝友定省之餘卽與諸昆季及二三知名士相倡和于挹翠軒一時從遊者咸獲觀摩之益今其子蜚聲鬻序足

徵淵源之有自云

陳上瓘字玉仙歲貢生赤城洲上人弱冠入郡庠旋食餼潛心經史潔己好修克繼父志爲文法準先民又極豐湛試輒冠軍以棘闈久困遂淡然舉子業而教育生徒循循善誘從遊之士得所成就者甚多著有蔚霞文集良堪問世臨終時戒勿梓行尤足徵品誼之高

徐凌雲字遇仙號醒庵讀書過目成誦爲文則精深沉刻不落時蹊弱冠入郡庠旋食餼試輒高等時長兄三人比肩出仕欲爲之循例報捐辭勿允惟退處家園暇則賦詩以見志年屆五十而卒子登太學

熊徽字琴章號熙亭少嗜學母病數年日侍湯藥仍手不

高安縣志

卷之十六

文苑

三十九

釋卷弱冠補弟子員旋食餼文沉雄典博與兄定求齊名屢試高等癸酉鄉試已入彀以額見遺課徒則循循善誘一時知名士多出其門年未六十而卒二子聲振鬢序得紹箕裘焉南城仁濟坊人

吳燕翼字詒孫龍山人少孤聰穎異常過目成誦于十三經諸史弱冠時便能明其大概惟周易性理二書尤爲所篤好年十六補邑弟子員旋食餼作文原本經術詩古悉宗盛唐時當事有理學才子兼而有之之評士林無不推服遊其門者亦多所成就爲人剛方自矢凡事關倫常毅然獨任有古大儒風惜年未及五十而卒生平著述雖富每多漫滅僅存愛日堂稿待梓

幸嘉謀字廷獻郡庠生富樓人博通經史爲文沉毅竒警
試輒冠軍應科舉累薦不售而好學之志未嘗少懈性
愛山水與諸名士遊集倡和題詠甚多悉得溫柔敦厚
之意晚年恬退家園日以造後學爲事子弟十餘人並
蜚聲黌序皆其熏陶力也所著山水樂集桂峯草錄壽
九十而終

涂泰程字履安郭峯人少穎異善詩爲文自出機杼不落
時蹊鄉試屢薦不售後遂友教數郡卜東萬太史皆出
其門曾序其詩文藏稿
老仍篤學有對鏡纔知鬚半白觀書更覺
眼全青之句幼失怙母年九十四事之如一日又至孝
人也品端望重鄉里至今誦之

高安縣志

卷之十六

文苑

四十

吳化梗字良才龍山人幼嗜學淹貫羣書爲文出入經史
年二十補博士弟子員後雖屢困場屋絕無怨尤意惟
守家塾中嚴課兒孫著有品山書屋文稿待梓厥後二
子並登鄉榜諸孫亦多列膠庠人以爲積學之報云
幸日蔚字秀林號春圃富樓人好學不倦凡經書子史務
抉其奧爲文卓然成一家言性豁達尙氣節尤孜孜以
汲引後進爲心遠近之士賴其陶成者不一而足平居
與兄弟連床倡和彙爲一帙將有待於梓行用表其怡
怡之意

高華字實夫西南廂人生而穎慧飽飫經史早歲蜚聲黌
序試輒優等薦而不售者數次晚猶力學勿倦舍東築

養正書院裁成後學著有存彞堂十二則行世年七十有四而終

幸日章字雲煥邑庠生富樓人好古力學至老不衰爲文清真雅正法度一準先民晚樂山水理極精通所至輒加題咏而督課後嗣惟以正誼明道爲拳拳深得溫公之遺意享年八十有三而終

傅錦字雲織號鈍齋歲貢生珠湖人少聰敏嗜學寒暑不輟應童子試以冠軍遊庠旋食餼爲文原本經術程式先輩不落時趨棘闈薦而不售者三次遂以明經老至樂育生徒德行與文章並重遠近之士沐其教澤者無不得所成就晚年學益醇而品益高儒林敬服公舉鄉飲正實洵足爲多士楷模也著有四書講義易經叅解待梓問世

黃述祖字宜孫邑增貢五都翰溪人賦質聰穎讀書過目成誦爲文灑灑洋洋不煩繩削而自合弱冠補博士弟子員試輒高等咸以遠大相期後雖棘闈屢薦未售初不以得失介意其教授生徒諄諄不倦一時從遊之士藉以成立者甚多晚歲循例加貢而嗜學不懈凡所著作士林皆什襲珍之現在後嗣玉立詩書之澤留貽正遠耳

陳守敬字純甫瑛之子高才博學試輒冠軍食餼郡庠從遊雲集郡守楊公仲興聞其賢加禮待之惜賚志以歿

未竟所施著有文山詩文待梓

胡守業字紹基號竹泉城南上坊人少孤苦事母孝家貧讀書精詩古文詞工書法弱冠補弟子員試輒冠軍膺選貢 朝考以知縣用作令黔之桐梓多惠政去後邑人以衆母思之生平著作甚富以力窘不及梓行在籍倡修邑乘未蕝其事年屆服政而終士林惜之子舉孝廉詩書之澤正未有艾云

吳集禧字疇五號德齋龍山化梗次子也生而穎異十二歲能文嫻于詩古兼工書法應童子試數次未遇遂奮然納太學以思上進甫冠果得舉于鄉著有內省軒課藝讀其文者咸以大魁期之惜年僅三十未獲大展所

高安縣志

卷之十六

文苑

四十二

學數限之歟

劉芬遠字蘭軒西陽人賦性穎異淹貫經書子史弱冠補博士弟子員試輒冠軍食廩舉優文名籍甚生平處事以理直氣壯爲主行文亦以理氣爲宗論者咸謂其試菽近韓潮蘇海詩古則李長吉之流亞鄉闈屢薦不售士林共惜所著芸窻課菽待梓行世

熊中發字柏雲號蘊田原名中恒定謨之子郡廩生幼聰穎過目成誦爲文風發泉湧學使長洲蔣公亟賞之有國士之目鄉試屢薦不售援例貢成均年三十餘卒士論惜之南城仁濟坊人

丁德純字秉文火石丁坊人幼穎慧博極羣書年逾二十

補博士弟子員旋食餼名噪膠庠詩古文詞與年俱進
八試棘闈屢薦不售終於強仕之年文行兼優未竟其
用惜哉

幸日靄字瑞卿郡增生富樓人聰穎嗜學經書子史過目
可十年不忘構詩文援筆立就體裁力追先輩郡伯陳
極爲賞識有經術湛深才思雋爽之目在學試輒優等
雖棘闈屢薦不售亦恬然安之所著有春秋正義詩學
指迷待梓

熊中翔字振千城南仁濟坊人幼穎異嗜學能文初應童
子試入郡庠屢試前茅肄業豫章書院每爲當事所推
重棘闈兩薦未售後督課諸弟風雨連床暇則賦詩見

高安縣志

卷之十六

文苑

四十三

志惜年未四十而卒

丁正浩字瀚充邑庠生三十都火石丁坊人秉姿聰穎讀
書過目成誦經史淹通尤肆力於古文應童子試冠軍
旋補博士弟子員每屬筆洋洋灑灑千言立就法度一
準以先民後雖棘闈見蹟刻苦倍深學日進而文益工
著有三餘草良堪問世惜所志未展年近強仕而歿
游謨烈字旦成二十一都石泉人聰穎嗜學理探程朱淹
貫經史秦漢以來諸家之文無不博洽落筆千言立就
法度一準先民其時意氣豪邁誤應武試入庠旋棄置
補博士弟子員試輒高等辛酉丁卯兩科薦卷已入彀
以表文擡頭違式遂置之主司極爲惋惜然雖數竒不

偶而披吟至老不倦嘗與當代名宿訂道義交又每遇事關文教輒慷慨肩領矢公矢慎經營盡善如建鳳儀書院修試院考棚皆其卓卓可稱者生平著作惜多散失僅存泉山古餘草雙杏齋制菽待梓年八十餘而卒張聲字若實城北高家巷人由縣試冠軍入郡庠旋食餼後屢試優等鄉薦四次未售而學益醞品益高故游其門者多獲所成就惜年五十一例應正貢而卒士林至今重之

鄒新字日功號浣軒二十八都沙港人生而穎異家貧力學弱冠列膠庠試輒高等屢薦不售所作詩古文詞均有大家風味尤諄諄誨人不倦一時從游者甚衆多得

高安縣志

卷之十六

文苑

四十四

成立甫強仕而卒未竟其用惜哉

傅璘字荆璧號信齋珠湖人甫弱冠補博士弟子員旋食餼爲文湛深經術法本先民雖屢薦未售至老不輟哦誦遊其門者多列膠庠而教育後昆蜚聲鬢序尤徵家學淵源惜將應正貢而歿

王茂煥字廷玉號敏堂四十四都官莊人質敏好學弱冠補郡弟子員初應鄉試制菽便入彀旋以額滿見遺後屢試優等刻苦益深爲文力追先輩詩亦日造唐人門戶其所著作皆堪問世是學有根柢者惜年歷強仕而賚志以歿也

黃堂玉字汝成號潤齋楓嶺人性質直家徒四壁力學不

倦弱冠應郡試受知于邦伯沈泊村入邑庠潛心經學
爲文以雅正爲宗所試輒列優等後雖久困諸生中而
嘯歌自如時假吟咏以見志洵雅士也著有潤齋詩集
待梓

楊玉書字麟瑞荷林人賦性孝友秉姿穎異甫列膠庠旋
食餼文名頗噪一時教授生徒循循有道遊其門者多
得所成立而課子若孫列鬻序掇科名尤足稱盛人咸
以爲源遠而流長

楊玉鑑字英極荷林人性穎異十歲能文旋補弟子員淹
貫經史爲文典贍精深以數竒遂未獲雋嗣是訓課後
裔津津不倦季子化雨由食餼授明經甲寅 恩科

高安縣志

卷之十六

文苑

四十五

欽賜舉人乙卯會試

欽賜翰林院檢討

楊占鰲字連六號駕山荷林人邑廩生中乾隆庚子科副
榜就職教諭質性純厚學業淹通讀書而外無他嗜好
所著詩古文詞俱卓然自成一家督課子姪義方之訓
尤殷殷不懈後皆貢入成均卒年七十有五

傅昆怡字悅亭珠湖人性孝友謙和甯靜耿介雖獨居一
室儀度秩如嗜學歷寒暑無間爲文幽秀峭折迥不猶
人以院試冠軍補郡弟子員屢困棘闈毫無愠色年止
四十有五士人惜之著有四書一得待梓

吳光緒字鴻業龍山人癸酉舉人衢之孫也少孤且貧然

深自斫求雖饘粥不繼而書聲琅琅徹戶外弱冠補博士弟子員旋食餼丙子戊申薦弗售壬子貢成均生平作文以理達詞醅爲主至爲人沉靜慎取與鄉里尤推重近與修邑乘在局三載寒暑弗懈乃以垂成而卒

朱時夏字榮萬號樗亭社山人天性渾厚爲文醅樸試輒高等設教先行後文諸生以次列庠序者百數十人乾隆己卯舉於鄉生平功深養到見道分明著有四書叙解待梓

劉見大字渾亭十一都西陽人幼孤苦事母孝篤志好學補弟子員爲文法先正字學鍾王屢薦不售晚年成就後學多所成名著有毛詩講義待梓

高安縣志

卷之十六

文苑

四十六

廖璠字奐若號魯堂南城上坊人生平言笑不苟甘淡薄謹交遊屏跡公門手不釋卷爲文一準先正以歲貢授臨川訓導歷任六載咸欽品學及解組多士攀留不忍別公送化雨長滋匾額年七十有三

廖琛字思獻號璞齋璠之弟生平雍容和雅聰穎過人楷書步履鍾王弱冠遊泮屢試棘闈雍正壬子科領薦以額滿見遺遂入歲貢篤課兒曹年七十卒迄今代有賢達方興未艾

廖純字繡千號錦村琛之子性情曠達過目不忘甫弱冠府試冠軍補博士弟子員棘闈薦而未售年三十有三士林惜之

幸日復字七來邑庠生富樓人賦性穎異諸子百家無不
研究亦有纂集待梓爲文奔放雄逸有古大家風嘗夏
夜燈讀設帳避蚊忽有神揭帳而言曰隱者也後果抱
才莫展年逾三十玉樓遽召士林深惜之今子孫克繼
其志書香爲不墜云

劉青芝字彥秀一都左橋人邑優增生少穎敏讀書過目
成誦爲文有大家風屢試高等庚寅科呈薦困額滿見
遺當時及門多知名士著有試草待梓青年早逝都人士
深惜之

劉淑昌字書正號醕庵西陽人邑增生例舉明經進士天
性穎慧淹通經史善屬文尤長于詩著有醕庵詩稿行

高安縣志

卷之十六

文苑

四十七

世

朱霞光字明子郡廩生岐山人淹通經史品格清竒屢試
前茅以數竒不遇尤潛心理學具特眼識其侄文端公
于髫齡教育成器及飛黃騰達讓不居功著有四書會
要古學秘授西園墨林詩梓行以上吳志

童星輝字漢章號西園西溪人天姿卓犖學品醅粹弱冠
食餼試輒冠軍庚寅

恩科舉於鄉累薦春闈不第退而設教科甲芹藻之士出其
門者七十餘人生平詩似香山文似三蘇制藝在陶菴
大士之間而一種秀色天成及門諸賢莫及也兄弟五
人長星聚抱才早世三星垣力學應童試十餘次始補
邑庠四星耀小試三冠其曹丁酉登賢書留京邸與同
年萬和圃共筆硯每一稿出和圃嘆爲不如琴棋書畫
各臻其妙著崑圃制藝三卷幼星紀爲諸生二十餘年
庚申秋闈獲雋榜發主司自幸得江右名士一庭友愛
書香稱極盛焉

高安縣志

卷之十六

文苑

四十八

熊定飛字凌遠號雲嶠城北叢桂坊人新居觀西性穎異
讀書過目成誦十五歲課白鹿書院卽爲孫子未先生
所推重肄業六年歸入邑庠試輒高等秋闈五薦未售
而觀光之志至耄不倦甲寅

恩科

欽賜舉人乙卯禮闈

欽賜翰林院檢討爲文力追先正尤工詩著有錦水棹歌集
唐律賦試草策學行世課讀後學成就者衆子領鄉薦
諸孫蜚聲鬢序皆其所教育也卒年八十有七

皮希牧字子超號實齋菱塘人幼工文善詞賦童試古學
冠軍入泮後屢躋棘闈乾隆辛酉年近七旬有勸以改

冊邀 恩者曰以年老得名已非吾志况未及而作僞乎嗣後不入場者十餘年癸酉秋孫曾悉赴試樂而同行一堂四世角藝龍門精神倍奮是科

欽賜副榜生平體父兄之志成就後昆出己分學穀百餘石爲延師課讀貲歲以爲常乙未丙午饑出積穀千餘石濟貧因此家無長物至老猶坐絳帳授徒年八十舉鄉飲大賔

熊學沅字滙庭號寄園十六都能坊人天資聰穎博通經史下筆千言立就性灑落雖困棘闈不以得失介意杜門著述藏有寄園說夢說待梓

熊煥文字有章號樸齋十六都能坊人文章淹雅弱冠補

高安縣志

卷之十六

文苑

四十九

博士弟子員十試高等天資聰穎援筆立就尤以四六著名爲人溫厚和平無疾言遽色設教敖陽宜豐遊其門者皆知名士所著有樸齋初稿律賦雅裁

吳步蟾字漢階龍山人邑廩生聰俊不羣弱冠入泮歲科試輒優等鄉闈屢薦不售督學周擢冠一邑將選拔貢京師因書法稍遜未果然周終不釋然典試浙江日以其所刻步蟾試文另刷散布爲多士式後益斂才就法自哀所作未及竟而卒

况雲字瑞文號曉亭邑增生二十二都高沙人髫年通四子五經書習舉業捉筆不爲常語補諸生四試高等三薦棘闈乾隆甲辰

南巡召試不錄絕意進取杜門著述以經史自娛究心周秦漢魏之文旁及諸子百家靡不精貫訓飭子弟獎誘後進循循不衰壽七十有二所著有詩文諸作待梓

高銘字鑑亭號瘦岑筠南上坊人幼工文兼精詩畫喜吟咏食餼後援例就訓導屢攝德化興安星子學篆石刻鴻章所在傳誦梓有荊薇山房詩集年未五十訪友浙西終於逆旅

彭澐字水雲錦水人幼孤多病喜讀書母胡節婦教之讀未就塾已熟四子書年十八補博士弟子員試高等食餼名噪一時然屢薦不售家故貧教讀所入不足給朝夕兩兄先後下世提攜諸孤與季弟泗共之里黨稱孝

高安縣志

卷之十六

文苑

五十

友年四十餘以勤學嘔血卒

塗應麟字國瑞上坊人生而穎異負竒氣咸以遠到期之未冠補諸生試輒前列屢薦不售益下帷攻苦著詩古文詞冀成一家之言二十七歲以疾卒其所著述亦散失無存

褚景縉字希哲南山人幼嗜學年十四默誦十三經不遺一字父亮功困頓諸生數十年粵遊返喜子穎異日夕督課入邑庠補增廣生屢試前列學倍奮往廬山從烏程嚴虛白遊歸而所學益進尤邃於易諸家注解得失獨有會心年三十餘以攻苦卒

陳人瑞字早瞻南門七里山人邑增生潛心力學善屬文

工詩賦年十七丁父憂繼承重戚戚數年服闋補博士弟子員屢試高等五應鄉試三次備薦壬午場中咯血苦心孤詣仍薦不售病日深因季父等療治甚急微吟天生我才必有用之句以慰之竟不起年三十二

幸鳴瑞字和聲增貢生富樓人甫冠遊泮歷試高等弗餼入闈十七次屢薦不第其文優柔平正和氣撲人眉字受業之士多發科甲集經史及宋儒語錄爲格言三冊敦本閑家悉務諸此嘗謂能喫虧天下無不可處之事能耐煩天下無不可爲之事著有同懷稿數百首

黃冕字元服楓嶺人喜讀書無間寒暑久著文名而羸弱多病補諸生攻苦猶昔篤於倫理里黨共稱孝友惜未

高安縣志

卷之十六

文苑

五十一

竟其學而卒

胡旭字凌漢號晴川郡廩生市南人貫通經史矩矱先民一時從遊者皆知名士太史徐葑生驤每語人曰吾師晴川先生經神也著有四書旁解嘉惠後學

易簡字應章上坊人博學工書見推一時性尤誠篤世以金貞玉粹稱之困諸生中老而不遇恬如也年七十卒著有竹間詩集

熊椿字壽余湧溪人郡廩生性嗜學經書過目成誦爲文不落時谿錄於筠陽課藝者畧見一斑嘗著惜字文勸世年二十八以勤學致疾卒今子舉優行或能承厥志而大之也

涂學波字達泉郭峯下宅人好古績學試輒高等棘闈十
二戰得而復失以諸生老生平砥礪廉隅不愧儒者成
澄齋碎墨四卷其門下士鶴鳴陳舍人讀而序之

何爾昌字遜能一字蘭亭南山人郡庠生博聞強記學業
甚富雄長文壇訓誨人才多所成就故城令朱瑞堂其
受業者也年逾七十有課藝遺稿待梓

魯建東字周藩淇園人好古嗜學老而彌篤爲文法密理
精古茂淵博補諸生三十餘年棘闈屢躋遂籍明經友
教後進自邑西數十里及宜豐敖邑莫不仰若斗山多
所成就著有周易精蘊亨蒙堂文稿年七十八卒

幸鴻謨字達思號漸堂洪城人幼聰穎弱冠入郡庠試卽

高安縣志

卷之十六

文苑

五十二

高等補增入棘闈十八次屢薦未售嘉慶丙辰年幾八
旬例得邀 恩賜有勸進者辭曰榮錫耆儒是我

聖清曠典第須自暈京師往返萬里草霜風燭縱老健究不
可恃設於道路蹉跌何以慰我子孫况因年取榮實足
滋愧竟不赴居家教育後學以敦倫植品爲先郡建鳳
儀書院竭力勸舉有閒窻雜咏及選唐詩二卷制藝集
腋四卷壽八十有九臨卒猶手書古訓數則以示後嗣
藝林重之

廖涇名字采芝號芝田上坊人冲融淡靜氣度汪洋力學
無間晝夜寒暑爲文追先正矩矱詩賦博雅淹通踰冠
補邑庠食餼丙子科額滿見遺功力益篤辛巳病革囑

其子曰吾家長物惟此一經善守之勿替旋卒

鄧以謙字益集冷水坑人潛心經學博涉子史鄉先生以大器期之英年補郡諸生試輒高等累薦不售惟篤志攻苦駸駸乎直造古人之室年近服官賚志以歿士林惜之

朱浩字孟長古唐人籍郡學有聲從父太史珊每以大器期之官農部日嘗攜浩帖括就質甬上仇滄柱先生評曰羽翼經傳之作也不必以科名重郵歸示浩卒不自許絕意進取焚香讀易寒暑無間臨終出所定本授子孫曰此聖人寡過書也願世守之

熊文蔚字一斑號見軒觀西人幼聰慧有神童之目十歲

高安縣志

卷之十六

文苑

五十三

爲文多奇警先輩咸器重之十三歲受知於督學汪瑟庵先生入邑庠評其文曰清新俊逸得之童子大奇倍極獎賞試輒優等癸酉呈薦未售益自勵諸史百家無不研究以攻苦失血卒年二十五有遺稿藏於家

王錫朋字騰萬南城上坊人三歲失怙十齡失恃隨大父讀書力學不倦入郡庠素性豁達不以貧窶易其志經史外兼通素問諸書惜抱才不遇而卒

姚百禧字景昌號心田筠北貼市堆人補博士弟子員屢試優等器宇魁梧性厚重事寡母以孝聞博覽羣書旁通康節神數扁鵲醫經年逾四十以瘁卒

何油然字雲彰一字潤之伍橋老居人補諸生力學嗜古

試棘闈得而復失者再勵志不少衰爲文宏博淵深以講明聖學爲己任遠近之士咸宗仰焉著有琳瑯制藝草待梓

熊中達字儀九號鴻巖城南仁濟坊人郡廩生幼遵庭訓勤學好問經術湛深多士景從邑中之西河也督學按臨及鄉闈同考官咸以得達卷爲幸年甫強仕而歿爲之心喪者幾半士林其文稿散軼將彙之成篋姪如澍如洵等皆其教育並登甲科道光元年以如洵貴

貽贈文林郎

朱鑑號澄川古唐人爲名諸生攻經學遇疑難多所博辨著有六經考正制藝力追前輩乾隆己酉督學翁覃溪

高安縣志

卷之十六

文苑

五十四

先生奇其才置第一餼諸郡旋遘瘵疾卒年甫三十王勿庵侍郎其長子振杲座主也爲立傳

何輝棟字藹敷號曉窻伍橋馬山人邑庠生純粹好學經史子集博覽淹通爲文不落時趨詩古雅童子試屢冠軍邑宰黃公嘆賞之有聲大而宏詞曲而當之曰宗師曹補博士弟子員棘闈得而復失者五遂絕意進取杜門著述有曉窻詩集周禮節畧等遺書

藍步青字廸周號碧溪藍坊人天姿穎異識見超卓郡伯蔡公世恪拔冠童子軍補博士弟子員益奮於學經傳子史詩古文詞靡不究心七因棘闈倦於進取以課讀爲務登臨賦詩怡然自得著有翰溪家塾課藝

傅元求字聘三號任菴山畚人中翰作求之弟生而失恃
叔父養爲己子聰穎絕倫淹通經史年十四補博士弟
子員試輒冠軍旋食餼聲名藉甚豫章老宿無不推服
尤長於古文氣韻風格駸駸乎入唐宋太家之室而躋
其馘詩字並臻佳境人稱全才惜年三十六而卒兄弟
定求敏求彙有任菴文集及詩草藏於家

曾瑟字和鳴四都平湖人邑庠生品行端方學問淹博生
平以理學自期雖顰笑未嘗或苟誘掖後進先道德而
後文藝列其門者皆謹篤行之士年七十二而卒至今
憶其懿範者猶稱道弗衰

朱濬字哲士古唐人質敏嗜學補諸生屢試不售絕意進

高安縣志

卷之十六

文苑

五十五

取著述自娛經史子集詩古文詞靡不淹通學者宗焉
壽七十七而卒

幸鳴陽字盛周一字儀亭富樓人父志達以文名著不遇
早逝鳴陽生而穎異襁褓卽能授書成誦十歲爲文骨
清韻秀鄉先輩咸爲推重補博士弟子員襟懷灑落不
專慕科名每開卷務求心得史漢八家手錄成帙自製
批評制藝可存者二百餘首子副貢瓊攜至京師將質
諸薦紳先生而定論焉

熊子舒字廣心號潤齋十九都花苑渡人年十九受知邑
侯黃公拔冠童子軍督學汪大宗師備極嘉賞取入邑
庠旋補增食餼一時名宿咸心折焉棘闈四薦不售杜

門著述手不釋卷篤學之士也

武啟銘字警予號新齋四十一都南浦人生而穎異讀書過自成誦弱冠試童子輒有聲郡伯邑侯皆以大器曰之制臺赫觀風拔取冠軍評其文毫無俗艷列膠庠後慶戰棘闈屢薦不售而四方來學者日益繁生平嚴氣正性雖燕居衣冠必正言笑不苟有古人風學者敬而憚之

幸金垣字厚山富樓人祖父伯叔及兄並業儒不遇早逝性穎異讀書過目不忘援筆便成傑構受知於王省崖宗師取入邑庠旋得血症日讀離騷寄其幽恨有擬騷十數首促節哀音令人不忍卒讀疾亟檢殘稿數百篇

高安縣志

卷之十六

文苑

五十六

封之書室併題一絕而卒年僅二十有四

羅克偉字菱川號望菴九都高岡人郡廩生性穎慧讀書默識不忘制藝筆法極古督學汪瑟庵尤器重之并謂詞賦得六朝遺範詩格有盛唐風規作傳贊碑銘每一稿出土林傳誦年四十六而卒著有樵雲詩草六卷詩箋蒙求四卷北夢瑣言二卷野人贅譚四卷

王鳴謙字益甫號受齋九都穩泉塘人郡廩生生平於讀書外無他嗜好淹通經史屢試超等乾隆庚子癸卯兩膺呈薦額滿見遺教授生徒先重品誼遊其門者莫不文行兼修著有四書詳解

以上高志

徐驤一名湘字兼程號春帆一號葯生仁濟坊人父坦幼

孤事母孝中年居積家日阜驤生有異稟喜涉獵爲文
詞不拘拘事科舉同時熊進士錫祺亦負雋才俱有跖
跣稱諸老先生皆訾其不受範圍同里熊少泉刺史方
主鳳儀書院講席獨異視之謂人曰二生者皆不羈才
他日名進士也眾譁稍息故驤於刺史終身執弟子禮
嘉慶辛酉舉於鄉次年遂聯捷選庶吉士受知于南昌
彭文勤協揆大庾戴可亭相國聲譽甚都散館改知縣
籤掣廣西融縣調臨桂以事絳吏議兼以倉庫虧短訟
繫勒追賠旣不得志益枕藉于古籍爲詩文力摹魏晉
書體本師顏董溢爲奇恣耳食者望而震之實則皆用
中鋒無所謂橫驅別駑也道光元年 恩詔得援免家

高安縣志

卷之十六

文苑

五十七

已落客遊粵東西者十數年最後荔浦同姓某延之往
奉之備極周摯數年丁外艱歸不復出僑居章門一年
餘往來虔吉得疾歸卒所著紅豆山房諸詩少作也其
後斂才勵學所詣日精而孳散不自收拾又無子遂盡
軼朱寅庵總戎所刻存其梗概而已

周鎮南字樹侯號梅臣安塘人父云稠商于滇納妾生鎮
南遂由滇籍應試連中道光甲午乙未副榜丁酉舉人
庚子成進士入翰林散館授編修丁內外艱歸里遭寇
亂不復出家居授徒制藝詩賦擬簡學齋所著周太史
稿風行海內幾于家置一部尤善古今體詩對客揮毫
頃刻數十韻著有畫秋吟稿格調頗近宋人書工行草

求書者戶外屢恒滿年五十卒一子先天遺腹生一孫熊錫祺初名友稷字舜臣號介堂觀西人生而敏悟十歲能屬文弱冠補諸生屢入高等文多刊試牘嘉慶己卯舉於鄉道光丙戌成進士以知縣籤發直隸補懷來其地近邊俗樸野甫下車思振興之捐俸五百金倡建沮陽書院人文自是日盛八旗老圈地歷年既久紅黑界址多牽混姦僞百出黠者巧爲影射吏役亦借爲姦利賦虧而民大病錫祺請於制府履勘鈎攷得其實積弊一空大府知其才調署玉田縣試拔孫晉墀爲第一數年間成進士入翰林時以爲知人旋歸主講鳳儀書院終於家

高安縣志

卷之十六

文苑

五十八

傅紹祖字毅堂號蔚生九歲能文有神童之目二十七始補諸生明年食餼嘉慶癸酉舉於鄉丙戌成進士署湖廣城步令補授藍山癸巳解組歸宦橐蕭然閉戶幽居題楹云九世書香綿世澤六年官舍守窮儒可想見其志概已

蕭煒字青藜號乙齋蕭坊人初入泮卽捷秋闈屢與計偕俛得復失晚以截取知縣歷任直隸望都贊皇數年謝事歸胸次灑落詩古文直入古人之室工書精音律尤好爲詩自少至老無日不吟幾于陸放翁之日課一詩也詩筆近賈島誠齋著有乙齋詩集篇帙甚富

蕭芳滋字集之號筠湄煒弟天才流逸詩賦文詞脫口而

出若不經意而瀏亮頓挫令人百思不能易以詩文名
場屋者三十餘年充明經後始領鄉薦闡藝八韻極爲
兩主司擊節十四房傳頌殆遍後闡墨悞刻他人名作
詩解嘲云自信文章由己出何妨風月與人同蓋題爲
光風霽月也其筆情瀟洒類如此六秩後得偏痺疾廢
床第年餘卒

熊如泌字叔源號芋薌仁濟坊人中砥季子嘉慶戊寅舉
人幼隨父任性穎異好爲詩稍長玉立灑然清介絕俗
歸里後補縣學生又侍母從仲兄宦浙益得攬湖山之
勝從其地賢士大夫游學益進戊寅舉于鄉屢試禮部
不第大挑入二等仲兄改官豫仍從遊以累試不得志

高安縣志

卷之十六

文苑

五十九

縱于酒戊子遂卒于豫年未六十也身後始選永新訓
導所著詩文稿最多皆佚

賈獻珍字越來號海門山畚人嘉慶丁卯優貢辛未

睿皇帝西幸五臺獻策賦 取錄第十七名 賜綵緞二端復
取充八旗官學教習期滿以知縣用道光辛巳隽北闈
引

見以知縣分發山西初攝夏縣以剛直著旋補授左雲縣調
大同縣庚子甲辰兩充鄉試同考官所取多知名士旣
解官澤州太守陳蘭第重其學聘主陵川書院以疾終
於陵川年七十有二

彭梅字信芳號雪生本家邑之彭家渡移居南城錦水坊

遂爲錦水坊人事母至孝旣長補弟子員見知邑侯嚴大令謙大令者浙烏程名士所稱虛白先生者也俄以家難棄官主鹿洞講席往從遊學益進爲文恪守先正矩矱不事時趨古近體詩賦宗法唐賢論試帖奉金雨叔紀河間兩先生爲圭臬以入韻詩賦冠場屋者二十年最後受知山陽李文敏公拔充貢甲午復舉于鄉試禮部屢不售授徒里中成就人材甚衆如蕭薌泉彭伯丹其尤著者也著有雪香庵詩古文辭行世味書樓文集十六卷待梓孫琨生舉人姪孫春生拔貢

吳日章字煥文仁濟坊人弈輝長子承家學有聲庠序間學使者鍾祥李公潢試最嚴嘉慶丁巳按瑞州學額三

高安縣志

卷之十六

文苑

六十

十人而招覆至百二十人其畱者四十一煥文預焉生平熟精文選又通周禮學屢應鄉試不售戊寅中式副榜肄業成均期未滿丁母憂棄之歸遂不出弟日亨日華皆諸生

朱振采榜名欒字冕玉號鐵梅古唐人嘉慶癸酉科舉人好購書聚書及金石文字逾三萬卷披覽皆遍著述數十種已行世者爲江城舊事九芝仙館詩文鈔常客粵東制署阮文達相國得玉印文曰武平侯印牙牌曰□**端**出示客欒曰印是曹魏公所上故印見文選冊九錫文牙牌是送往二字明代于外夷來置此送其來往見遊宦餘談合座嘆其博洽其爲諸生以救友忤太守爲

孝廉公車過淮值大水作題壁十二首指陳時事一時傳誦在京都又面斥某御史奏捐舉人之議並上書相國某止之其尤著者道光辛卯江西大水饑民數十萬聚沙井待賑與徐太史驤作沙井行以諷撫軍見之惻然亟發賑黃樹齋侍郎稱爲江西詩俠歿亦侍郎表其墓

朱振本字備萬號春塢振采弟道光辛卯舉人工墨竹磊落拔俗瀟灑出塵嘗遊吳越楚豫燕粵齊魯至輒有聲然非其人不畫上高茂才晏家瑞纂入 國朝書畫名家考畧續編書出入大小歐文頃刻數紙不假錘鍊自然精工年五十七卒兄振采哭之以聯云同輩並推書

高安縣志

卷之十六

文苑

六十一

畫妙斯人竟以孝廉終

徐起鵬字搏九號北溟米峯人姿穎慧爲文敏捷早補弟子員旋食餼領嘉慶甲子鄉薦丁丑 大挑一等以知縣用遵父命呈請就教選奉新司訓距家僅三十里戚友密邇甫下車有干以私者拒之且勸勿終訟值修縣志開局明倫堂與邑紳帥石村趙竹岡徐芸門宋梅生日相往來極爲欽重以父母年高不就養告養歸服闋復選甯都州未赴卒年七十五舉鄉飲正賓

徐鼎字遜之號謹齋米峯人嘉慶己卯舉人選上猶司訓造士有方行先文後得蘇湖規諸生有爲牽控者常爲之道地如實無辜必力爲昭雪在任六年乞休歸年七

十二卒

彭祖錕號鐵薊米峯人永芬子爲諸生屢以詩賦得高等領道光甲午鄉薦甲辰大挑二等選義甯州訓導兵事起於州牧多所佐助議敘得五品銜同治二年截取知縣不就年七十一卒於官署

賈濟川原名璧耀號石生山畚人領丙午鄉薦捐授內閣中書考取軍機未記名實錄館開充校對官未蕝事選浙江處州府同知乙卯派充內簾監試官戊午科又派充同考官畱省當差頗爲上游所器庚申杭州失守旋收復新撫王有齡其舊寮也延致幕府待之甚優辛酉再失守屢轉避地以疾卒

高安縣志

卷之十六

文苑

六十二

熊希原號時泉觀西人檢討定飛孫也性彊毅年十九補諸生道光乙酉鄉試以進卷遲限于額得而俛失自此志益堅歷數十寒暑未嘗一日廢書年六十六應歲試學使單尙書懋謙從次卷中搜出置第一蓋是年始食餼焉少卽以授徒爲業先後稱弟子者百餘人皆有聲庠序間咸豐乙卯粵寇入境避地至閩建甯守陳君某禮遇之旣而歸里辛酉寇又至益肆擾家人倉皇奔走忽失之以爲不獲免矣旬日汗喘歸始知跣行赴省垣求援兵且陳民流離轉徙狀籲緩征而從此遘疾次年遂不起矣子二長崑入邑庠早卒次秉鈞在庠亦有聲劉家驥字北超一字子良左田人姿稟穎異學有淵源以

廩生登道光乙酉拔萃科年五十外始列賢書遂澹志
進趨授徒鄉里耑以五大家爲訓出其門者類多擢科
第著有守硯堂集年七十四卒

何嶸字崢若號岸樵馬山人父虔以貢生官崇仁教諭嶸
少隨父處館晝則樵蘇供爨夜就同學燈下讀應童試
有聲年近壯始補諸生文筆富豔駢體文宗徐庾古近
體詩宗溫李儷白妃青襞績新穎自署楹聯云娛客幾
篇乾牒子銘心數點古梅花可以知其寄尙矣晚病目
三子已娶皆先天卒無後轉徙親故家以終文人无命
殆未有過之者

涂杰號偉生郭峯人郡增生家世業儒動循繩矩足跡不

入城市教授生徒惟以敦崇實學精研經義爲務所著
有經義日知錄四卷待梓

吳伸曾字子定號裕堂龍山人祖騰龍父擴昌俱領鄉薦
伸曾學有淵源高石琴明府拔冠童軍道光乙酉補諸
生是科卽舉於鄉歷官長甯訓導饒州府學教授聰強
識治體尤長于詩著有品山堂集二卷

孟居易字近聖號少白筠西人生有奇氣家無擔石讀書
不輟年甫冠應童子試邑侯余以他日由鄒之任見季
子二句命題居易援引閩百詩四書釋地辨證精核余
賞其博洽拔冠一軍是年補弟子員益勵志於學手鈔
周禮註疏春秋左傳正義昕夕研究爲文雅健每一篇

出人爭誦之兼工書法求者屣履造門恒無虛日屢試秋闈不遇抑鬱而卒人比之徐文長云

何化南字念棠號憇亭伍橋馬山人邑諸生工制藝及詩著有憇亭制藝憇亭詩鈔杜詩選讀唐詩話晚好爲方外遊精通內典所至叢林緇流倒屣年九十餘卒

彭子獻原名壽殷號菊泉米峯人父志陶邑名廩生著有秋舫詩鈔子獻幼慧十歲能吟稍長旁搜博覽詩古文詞益工常與父友朱寅庵總戎唱和遊其幕因薦參周總戎雲耀軍以生員保訓導迨周殉難而奏寢遂歸督學馮展雲賞識之拔冠諸生食餼以所著水精山館詩鈔呈尤爲擊節未數年遽卒

高安縣志

卷之十六

文苑

六十四

塗公駮號次龍南城上坊人天姿穎異讀書日數行下弱冠補弟子員旋食餼蜚聲庠序屢冠一軍遊廬山長院嚴虛白先生極其器重深以遠到爲期而遭際蹇塞數薦不售遂設教家塾栽培後進遊其門者多所成就生平著作甚多家貧無力付梓

幸祖軾字廉夫號慧生恩貢生北城高家巷人科歲考屢次超等其人風流絕俗往往家不舉火晏如也工古近體詩所交皆知名士著有鑄雪山房詩集經兵燬無存存者焚餘草兩卷

皮家駒字應千號玉峯菱塘人道光乙未恩科舉人其爲諸生時遊學豫章書院山長董小楂器重之與永豐

劉殿撰詹巖星子干主事廷嘏太和陳孝廉芳衢齊名稱爲江右四子時臨川李松甫郎中僑寓粵西寓書於董託其物色西席董卽以家駒應及至桂林與松甫相得極歡唱酬無虛日比歸應歲試學使福禹門素知其名取置第一經藝詩賦並刻入試牘後福常語人曰高安皮生家駒文壇巨手也其推挹如此家駒學有本原嘗謂漢儒之訓詁宋儒之義理二者不可偏廢居恒手不釋卷於六經各有撰述祕不示人甲辰大挑列二等以教職用未及選期而卒

鄭斯立號植生南城世濟坊人年十三誦徧十三經遠近有神童之目併博覽唐宋古文及子史諸書每搦管爲

高安縣志

卷之十六

文苑

六十五

文洋洋灑灑不拘繩尺弱冠舉茂才第一學使奇其文自後益鴻文無範故鄉試屢薦不售授徒三十餘年門下士多騰達晚年著有遺經堂文鈔詩鈔未付梓悉燬於兵論者謂爲讀書種子矣

鄒繼宗字丕承號惜陰桂林人讀書具卓識弱冠爲文卽超然拔俗補邑庠生屢試不售嗜學之志至老愈篤所集錄經史雜著甚富有四書註標字典便習律判輯畧天地二圖較刊行世

况敬存字子發一字雲峯雲岡人幼力學持躬至端謹童年小試輒冠軍家故以販漆爲業張肆京師年既壯因遊都門師事陳木齋先生同邑朱可亭相國聞其品學

延於家課其家孫承恩得與當時賢公卿遊益明習朝野故事以太學生兩試北闈未售泊如也從弟銘伯同遊京師朱陳兩先生復新會館贊成之見文端所記敬存後南旋應雍正乙卯乾隆丙辰爾科鄉試卷俱房薦仍不售教授鄉塾以終遊其門者成就甚眾生平著述甚多藏於家木齋先生嘗稱其有漢唐人風範三子學丹學青學赤二女長歸蕭氏謙谷觀察祖妣也學丹女仍歸蕭卽謙谷妣又嘗從學青受章句焉學丹孫鏡蓉邑廩生

吳淦衍字瀛雪龍山人凌鳳孫幼承家學沈酣古籍道光丁酉登賢書甲辰大挑以教諭用生平重品節不事表

高安縣志

卷之十六

文苑

六十六

裸身後詩文稿多散佚僅存瀛雪詩抄一卷典雅清新不愧古作者其友人爲梓以問世

彭文煥字雲章號漢波櫟林人幼而穎悟甫入塾受孝經卽苦有所思十歲能文肄業鳳儀書院監院解公榮世奇其材親加指授數年而業成十九入縣庠旋食餼廩戊午登鄉薦冠其房明年春闈薦而不售遂與同年生傅石蘭中翰留居京館相勉以誠正之學覃精研思深求古人立言之本嘗假書肆文獻通考全函旬日而歸之或疑其未閱及叩之條舉無遺其勤敏如此所作制藝根柢經史因文見道極爲長沙劉相國崔介五郎中所賞乙丑會試房考韓公克均得其卷以第一人薦會

與主司齟齬竟屏未錄人皆爲扼腕文煥處之泰然惟益自砥礪竟以攻苦致疾戊辰闈中病發報罷南歸遂卒年僅三十有九生平著述頗富皆留傅中翰篋中將代刻行世會傅卒遂佚子迪修字惠吉郡增生少孤力學事母極孝能詩善書嘗受知於李芝齡高石琴諸公以多病早輟秋賦自號息龕著有珠牒錄若干卷孫桂馨

陳朝勸字進思號補齋灰埠人朝弼之弟少有異稟明敏而沙毅五歲失怙執喪如成人弱冠補弟子員學使趙鹿泉按試至郡拔置高等及發案嫌其名不典舉華正之朝勸告以先人命學使改容曰諒哉父死不易名禮也吾外大父孫子未先生其名亦從力人貴自成其名耳爾果能樹立媲美先賢不難也遂仍其舊其歎賞如此己巳以恩貢授直隸州州判家有別墅藏書甚富晚歲品學益粹同里之士咸就正焉著有補齋集

常典字啟謨南城常家巷人少力於學在庠序有聲既補餼潔清自勵不妄有所干預家居授徒不濫結納而執業者常至十餘年不忍去幼席豐厚餽遺奉養不能節而又不妄取予至中年遂困頓以卒距其准貢之年三數歲耳不能待諸友之者皆悼之其爲文力避塵囂寒潭秋水故鄉荐輒不售然不能自貶也遂坎坷至沒

文苑補遺

宋

劉格字道純凝之次子道原弟亦以文學顯議論勁正有父兄之風鄉舉不第交友中屢辟舉爲屬有治稱一試制科未登朝而卒蘇文忠公嘗爲之致書鮮于子駿曰故人劉格字道純故友劉恕道原之親弟讀書彊記辨博文詞粲然可觀而立節強鯁吏事亦健君實頗知之餘人禾識也欲告子駿予一差遣收置門下公若可以踏逐辟召幸先之敢保稱職也旦夕歸南康軍待闕公若有以處之必願就也某非私之爲時惜才也又書其詩後曰淙流絕壁散靈烟翠洞深崑際松風清飄飄洒

高安縣志

卷之十六

文苑

六十八

塵襟觀蘿翫猿鳥解組傲園林茶果邀眞侶觴酌洽同心曠歲懷茲賞行春始重尋聊將橫吹笛一寫山水音與高安劉格道純同遊廬山簡寂觀道純誦此詩請書之石元豐七年五月十九日汝州團練副使蘇軾和仲又黃文節公與之遊最久有過屯田公隱廬詩曰百楹書萬卷少子似公賢爲道純發也又有游落星寺詩第四首題云往與道純醉臥嵐漪軒夜半取燭題壁間其詩曰北風吹倒落星寺吾與伯倫俱醉眠螟蛉螺贏但癡坐夜寒北斗垂天元祐二年在祕書省寄詩曰五松山下古銅官邑居褊小水府寬民安蒲魚少囂訟簿書未減一邱槃胸中崢嶸書萬卷簸弄日月江湖間稠

人廣衆自神王按劍之眼白相看老身風波諳世味如
食橘柚知甘酸麒麟圖畫偶然耳半枕百年夢邯鄲平
生樽俎宮亭上涉世忘味皆朱顏此時阿翁尙無恙追
琢秀句酬江山堂堂今爲蛻蟬去五老偃蹇無往還大
梁城中笏拄頰頰髭今成雪點斑青雲何必出公右亨
衢在天無由攀椎鼓轉船如病已夢想樓臺落星灣子
政諸兒喜文史阿秤亦聞有筆端丹徒布衣未可量詩
書且對藜藿盤穴中生涯識陰雨木末牖戶知風寒我
今四壁戀微祿知公未能長掛冠元祐六年跋落星寺
玉京軒詩曰歲行一周道純已凋落爲之隕涕其爲名
輩推服悼惜如此阿秤道純兄道原之幼子一名羲叔

所謂篤行有才氣者也道原次子咸臨一字和叔亦以
博學能詩名年二十五卒文節公爲之銘潘大臨洪龜
父皆有詩輓焉

采三劉家集蘇文忠公全集黃文節公全集補